

सानसेयारि "बड'सा" खीरालाइयाव
अमाज्यादि जिउजो लोखा थानाय रायथाय, अन्थाय,
सल', सल'बाथा आरु दावबायादि थाचनि, पार्क
बाइदिनि स्यायाव लिन्नाय लिन्बिबां दैथाय ठर!
सानसेयारि "बड'सा" खीरालाइया खेबरानाने
फोसावगोन।

बड'सायाव लिन्ठरनायनि हुबा खालाम,
"बड'सा" खी नोथां, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com



BODOSA ★ A Bodo News Daily ★ Tuesday ★ 31 August, 2021 Kokrajhar, BTC, Assam ★ Vol.- 31, Issue No. 156 ★ R.N.I.Regd.No.40994/91, AssamGovt.Regd.No.IPRD.40/2006/13,★Rs.8/-



Har Ghar Jal
Jal Jeevan Mission

जल जीवन मिसन



सत्यमेव जयते

आसाम सरकार

सुबुं देहा कारिकरि बिफान



थानाय जुलाइ दानाव गं 1,25,000 नख 'रफोरनो लोंग्रा दै फोनांजाब होनायनि
उनाव सोलिफु आगस्ट दाननि थाखाय दिनै 31 अक्टनिफ्राय फिन 2,00,000 नि
बांसिन नख 'रफोराव लोंग्रा दै जगायनायखौ हाबाफारि बायदियै आसामनि
मोनफ्रोमबो बिधानसभा बियाबआव मानगोनां मन्थि/एमपि/एमएलए/गाहाय मावफुं
सोद्रोमा/मावफुं सोद्रोमाफोरा बेखेवनानै होगोन।



जल जीवन मिसननि सिडव थानाय राइज्योनि गामियारि
सुबुंफोरनि न'-न' लोंग्रा दै जगायनायनि बे जाफुंसार
दावबायनायनि थाखाय मानगोनां गाहाय मन्थि मुन्थि नरेन्द्र
मदिनि लामा दिन्थिनायनि फार्से गोसो गोर्बोनिफ्राय गाहाम
हामब्लायनायजों लोगोसे गोख्रै मिसननि सिडव दै जगायनाय
फोनांजाबनायनि खामानिफोर जाफुंसार होनो थाखाय
मानगोनां गिबि मन्थि ड० हिमन्त बिश्व शर्मानिसिम गोसो
गोर्बोनिफ्राय साबायख 'र बाउहरबाय।

फारसेथिं बे बिथांखिनि सिडव थि खालामनाय थांखिनिखुडुबो बांसिन
सिगांलानायनि थाखाय "जल जीवन मिसन" बिथांखिजों सोमोन्दो थानाय
बयनिसिमबो गोसो गोर्बोनिफ्राय साबायख 'र होयो।

रनजित कुमार दास

मन्थि, सुबुं देहा कारिकरि बिफान

जल जीवन मिसन " फै, बे मिसननि खाबु आजावनानै लाना न'-न' लोंग्रा दैनि राहा खालामनि। "

सुजुगिरिनि खोलोम

मावनानै जानायाव लाजिनांगौ गैया, शगायनानै खावनानै जानायासो लाजिनांथाव

थानानै थानायनि दावहायाव गोबाडनो गोबां राहा आरो लामाजो खारनांगौ जायो। खायफाया गोथोडे, खायफाया, दिग्राय-दिंसि लामाजो। सोरनियाबा दलर, दलरै, सोरनियाब्ला देहानि थैखौं दै खालामाना, खायफाया खुगाजो, खायफानिया आर्थि-आखाय सोमावनानै। नाथाय, थोखिया मोनसेयानो-बोथिसे ओंखाम, जि-जोम आरो थानायनि थाखाय न'-बां। मुलुक संसारनि सोरगिदि मेगन फिदिडोब्लानो नुनो मोनो- थानानै थानायनि बे दावहाथिलियाव- सोरबाया मालायनि आफाखि-दाखोर दाला सिबनानै, खालाइ-दैफोन गारनाय, खि-हासुदै बथानाय, सोरबाया सानु-अखाखौं नेवसिनानै थैखौं गोलोम दै गसर होनानै मावनानै जायो, न'खर सामलायो। बेफोरजो लोगोसे देबावयो- बबेबा हाथाय-बाजारनि लामा दथखायाव सानुं थिखा-थिखि दुमखु दामै दामै मोखा मोसाहोनाय, नेवलाइ-मुफर-जिबौं मोसाहोनाय, आखाइ नायनानै इयुन बपद फोरमायनाय, जुनातनि बेगो-हारा दिस्थिनानै रोदा-रुदिनि मुलि फान्नाय, गोबाय-गिजि दो-दोखोल, प्लाष्टिक, लहा नागिरनाय, फान्नाय आरो बेफोर खामानिखौं मावनायनि थागिदायानो उदै सुफुनायनि आदार नागिरनाय आरो नख र संसार सामलायनाय।

मोनसे बाध्या रोखादि- बे बिलात लाथानि सोलो गोरासिन आरो सोलायसुलिनि सिन जिबि मानसि हारिनि जिउ खानायनि आदोब-आखुवायो गोमोथावसिन। जायनि थाखाय गोगो गोबौं मेलेमनि सासे गथ 'सायाबो बाइदिसिना आंखाल, अलखदयाव गोर्लैनानै सोर-गोमो लामाजो हान्थिनो आन्दायनांदो। बेखौंबो बुंनो बावगारा मानसि हारिया-बरादनि बोबथिं जानाय होनानै। नाथाय सुबुनि लामा आन्दायनांया, आंखाल आरिफोरखौं थोजोडे बरादनि बोबथिं जानाय होनानै थास्लिबनायाबो गोरोन्थि होनानै नुजादो। साफ्रोमबो मानसियानो थानानै थानो थाखायल' थानानै थाया। बयनिबो गोसो गोबौंथाय मोनफा नड मोनफा हाबिलास थायो। जाय हाबिलासआ सासेनिजो गुबुन सासेनिया गोरोबलायया। अखलाबो नाजालानाया थाखायो गोरोबलायै आखल आखुनि गेजेरावबो जिउआव मावा मोनसे मेगनाव गोनां हावा, थानानै थानायनि राहा-लामा दिहुनलानायनि रेल्लका। थानानै थानायनि लामा आन्दायनानै थानानाय, राहा मोनै देहानि थैखौं गोलोमदै गसर होनानैबो गुबुननि गोगो गोथो लामाखौं नायनानै थानानाय, गाबानांया सरासन्सा सुबुनि जिउ खुंनय आदोब-आखुखो साजाडे नोजोर होयोब्ला नुनो मोनो- मानसिनि मोदोम-देहा गहेन सोमावनायनि थागिदायानो जादो- उदै आरो थानानै थानायनि। उदैनि थाखाय मानसि मावै जेबो गैया। बे मावनायनि थाखायनो सोरबाया गिदिद, सोरबाया उन्दै, सोरबाया अन्थाय बिखा, सोरबाया गोसो गुवार जानांदो। नाथाय आर्थि-आखाय, मोदोमै मोखाडे बयबो मानसियानो समान। मावनाय-दानाय, रानाय- रोडे, हानाय- हायैआसो समान नड। बेखायनो खायफाया गावनि गोहोजो हानायमानिखौं मावनानै सुफुनो राहा लायो। नाथाय माहारिनि आसारखाथि, फोथायनाय, मानिनयनि बादगा जायोब्लासो हेंधा नुजाफैयो। बेखायनो मावनाय-दानाय लाजिनांगौनि बाध्या फैया। उन्दै-गिदिद, हामनाय-हामैखौल' नोजोर होनांगौ बेव गोरोन्थि नुजाया, गोजोन्नायबो दं, नाथाय थगायनानै जानो थानायासो इयुन जिउआव दुखु लाबोयो।

दिनैनि फानजायमुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** थाखानाय धोहोनफोर जामलांजोबो हागौ। गोसो हमथानानै सोलिनांगोन।
- वृष:** जेखि मावा फालांगिआव रंखावरि आय खालामनो हागोन। गोजोन्नाय मोनगोन। मोजां सान।
- मिथुन:** बहाबाफोर नाड-फाड दावबायहैनो गोसो जागोन। रंखावरि खहा जानो हागौ। गोसोखौं हमथा।
- कर्कट:** बादायलायनायाव देहासारनो हागोन। जैरेबो मुं गोसारहोनो हागोन। मोजां सान।
- सिंह:** माबाफोर मावनानो खामानि दडबा मावफुलानो हागोन। गोजोन्नाय मोनगोन।
- कन्या:** जाब्लाबो-लोब्लाबो गोसोखौं मानोबा गोजोन्नाय गैथै मोनगोन। गोसो हमथा।
- तुला:** गोसोखौं लोरबां लानो नाड। जेखि जाया नाजानांगोन। जाफुनो हागौ।
- वृश्चिक:** जे खामानिखौं मावदो बेखौनो गोजोन्नाय मोन्दांगोन। फारफोमथिबो मोजां।
- धनु:** गोबाव समनिफ्राय माबाफोर बिनायफोर दडबा मोनो हागोन। गोसोखौं गोजोन मोनगोन।
- मकर:** माखौंबा लानानै सोरजोबा नांलायनाय जानो हागौ। गोसोखौं हमथानांगोन।
- कुम्भ:** नख 'राव गोजोन्नाय गैथै सोमजिखानो हागौ। जेखियानो जाया गोसोखौं हमथा।
- मीन:** सुथरु जालायनानै थानाया जामलांगोन। गोजोने थानो हागोन। मोजां सम।

कच-राजवंशी थुनलाइ आफादा बि टिसिनि गाहाय मावफुं सोद्रोमा प्रमद बर'खौ लोगो हमदो



बासुगाव, 30 आगस्ट: कच-राजवंशी थुनलाइ आफादनि मोनसे थान्दै हान्जाया दिने बि टि सिनि गाहाय मावफुं सोद्रोमाखौं लोगो हमनानै बायदि बिथिनि मोन्दै सावरायहैयो। कच-राजवंशी थुनलाइ आफादनि आफादगिरि ड् द्विजेन नाथ भकतनि आरो नेहाथरि कमल कुमार बर्मननि दैदेन्नायाव थानाय मोनसे थान्दै

अनगायैबो गोजौ फरायसालिनि टेट आन्जाद उथ्र सारनाय मोनफ्रोमबो हारिनि बिजाथिनो थिसन्थाय होनानै सोलोथाइ मुलुगाव दावगाहोनायनि थाखाय प्रमद बर'खौ बाखायो। लोगोसे गुबुन थागिबि हारि-माहारिनि सुबुंफोर बि टि सिआव रैखाथि होजानाय आरो हारिनो टूइबेलनि सिनायथिनि गनायथि होनायनि थाखाय खावलाय हरो। बे मेलाव कच-राजवंसि सुबुंफोरनि गोलाव समनि गुबुन गुबुन जेनाफोरनि सोमोन्दै सावरायलायनाय जायो। गुबुन फारसिंथि बि टि सिनि गाहाय मावफुं सोद्रोमायै गासैबो जेनाफोरखौं थाखो महरै सुखानाय जागोन होनानै खोथा होयो।

डिमा हासावआव दुथांफोरनि आखाइयाव थैनाय ट्राक ड्रइभानि नख 'नो रंखाथियारि अन्सुंथाय गथायदो

गुवाहाटी, 30 आगस्ट: आसामनि बराक सेरफा हाजोयारि जिल्ला डिमा हासावआव दुथांफोरनि गाग्लोबनायाव ट्राक सालायगिरिफोरनो 5 लाख रडे अन्सुंथाय गथायनानै होदो आसाम सरकारआ। बावैसो सान सिगान डिमा हासावआव दुथांफोरनि गाग्लोबनायाव साब्रे गारि सालायगिरिफोर थैदोमोन। बे जाथायनि उनाव रड्ज्योनाइ फिनजाथाय सोमोनानाय सोमजिनानै दडमोन। मख'नो गोनादि, हजाइ जिल्लानि साब्रे थैनाय गारि सालायगिरिफोरनि नख 'नो आसाम सरकारनिफ्राय 5 लाख रडे रंखाथियारि अन्सुंथाय होयो। दिने लंका सार्केल बिबानगिरिनि

मावखुलिआव खुंफुं जानाय हाबाफारिआव 5 लाख रडे अन्सुंथायखौं गथायनानै होदो। बे हाबाफारिआव हजाइ जिल्ला बेंगिरि डिमा हासावनि जिल्ला बेंगिरि, हजाइ पुलिस बिबानगिरि, लंका सार्केल बिबानगिरिफोर नुजाथिफेनानै रंखाथियारि अन्सुंथाय गथायनानै होयो। हजाइ जिल्लानि लंकानि संसारि जानाय गारि सालायगिरिफोर फारियै-गौड मजुमदार, दिलबार हुसेइन, आजगर आली आरो सिखन्दर आलीमोननि नख 'नो दिने 5 लाख रडे अन्सुंथाय होयो। फारसिंथि आजगर आलीनि साने बिसिनो 2.5 लाख रडे रनानै होयो बे रंखाथियारि अन्सुंथाय गथायनाय हाबाफारिआव।

दिने आसामनाइ 24 घन्टा साखा बन्द

गुवाहाटी, 30 आगस्ट: थानाय बृहस्पतिवारखालि डिमा हासाव जिल्लानि दयानमुखआव सा 5 ट्राक ड्राइभारफोरनि सायाव गुलिजो गाग्लोबनानै जिउ फोजोबनाय जाथायखौं लानानै आसाम मथर श्रमिक जइन्ट फेडारेसन (एएएमएसजेएफ) आ गाबोन 31 आगस्ट, 2021 अक्टखालि 24 घन्टा सम आसामनाइ साखा बन्द फोसावदो। बे साखा बन्दआ गाबोन फुं बिलि 5.00 रिगानिफ्राय जागायगोन। सुलुनिफ्राय मिथिनो मोननाय बादिब्ला, आसाम मटर श्रमिक

जइन्ट फेडारेसनआ जाथायाव जिउ गोमानाय नख 'रफोरनो 15 लाख रं खहा सुफुंथाय होनो थाखाय आसाम सरकारखौं खावलायदो। लोगोसे आसामनि ड्राइभारफोरनो रैखाथिनि राहा जगायनानै होनो थाखाय आसाम सरकारनिफ्राय दाबि दैखांदो। आसाम मटर श्रमिक जइन्ट फेडारेसननि आफादगिरि कृष्ण बरया दाय गैथै ड्राइभार सुबुंफोरनि सायाव गाग्लोबनायनि थाखाय डिमासा नेसनेल लिबारेसन आर्मि (डिएनएलए) खौं गोखौं रवजो सौंखारिदो।

बाक्सानि गंसे सोमोनांथाव हाथाय



बाक्स, 30 आगस्ट: दिने जौं नोथांमोननो गंसे सोमोनांथाव हाथायनि सोमोन्दै फोरमायनो लादो। जेव हिन्जावफेरल 'मुवा-बेसाद फान्नायजो लोगोसे सामलायो बे हाथायखौं। नंगो, नोथाड थारखोनो खोनादो। बे हाथायावनो मोनसे ओन्सोलनि दखै-दरबासो गामिनि आइजोफोर गावसोरनि नख 'रवि दिहुननाय बायदि मैग-थाइगंफोरखौं फान्नायजो लोगोसे साहा गला, गेलामाल दखान, जि गला, ना-

वेदर बायदि फान्नाय गावबा-गाव नखरखौं सामलायो। बे हाथायानो जादो बाक्स जिल्लानि भारत-भुटान सिमना सेराव थानाय सनाजुलि। बे हाथायाव सनाजुलि ओन्सोलनि झारबस्थि, झालाबस्थि, धिपा, पुब दक्षिनकुसि, खोदोमगुरि बायदि गामिनि आइजोफोरो सानफ्रोमबो बेलसि समाव गावसोरनि नख 'रवि दिहुननाय बायदिसिना मुवा-बेसादफोरनि लोगोसे मैग-थाइगंफोरखौं फान्नायजो लोगोसे साहा गला, गेलामाल दखान, जि गला, ना-

लामा मोजां नडेनि जाहोनाव जेनाजो मोगा-मोगि जानांदो हान्था-मेला खालामग्रा सुबुंफोरा

बाक्स 30 आगस्ट: बाक्स जिल्लानि सालबारि महकुमानि रुपहिनिफ्राय साहा मानास हाग्रामानि भुयानपारा रेन्ज आरो सिमला, बर बाजार थांग्रा लामाया मोजां नडेनि जाहोनाव फरायसा गथ 'फोरनिफ्राय लानानै ओन्सोलनि राइजो-राजाफोर हान्था-मेला खालामनायाव गोबां जेनाजो मोगा-मोगि जाबोनांदो। मख 'नो गोनादि, देज्लां बोथोरनि समाव अखा हायोब्ला फुखि, बिलोफोरबादि दे जमा जाना थायो बाइख्ला-जिख्ला लामानि खोन्दोफोराव। गोब्राव बेमार जायोब्ला हरखाबै देहा फाहामसालिसिम लानो मटर लिहर्ब्लाबो लामा मोजां नडेनि थाखायनो फैनो नागेरा। जायनि थाखाय बहावा थानोब्ला



जिंगा सिनो गोनां जायो सरासन्सा सुबुंफोरा। हाथाइ-बाजार, फरायसालि, मावखुलिफोराव थांबोला 20 मिनिटनि लामायाव 1 घन्टासो सम बारहोनो गोनां जायो। मानास हाग्रामानि भुयानपारा रेन्जआव दावबायारि फोर

दावबायनो फैनोब्लाबो लामा मोजां नडेनि थाखायनो गोबां खस्थ' मोनलानो गोनां जायो। सिगानि सरकारआ बेनि सायाव जेबो बिफाव लानायखौं नुनो मोनासे। बेनिखायनो दिनेनि समाव गिबि मन्थि ड् हिमन्त बिस्व शर्मा दैदेन्नाय आसाम

सनितपुर जिल्ला बर' थुनलाइ आफादनि सनाथि माइथाय फोर्बो खुंनो गाहाय लाइखुन्थिया गायसन्दो

ढेकियाजुलि, 30 आगस्ट: सनितपुर जिल्ला बर' थुनलाइ आफादआ बोहैथि बोसोरनि डिसेम्बर दाननि 3, 4 आरो 5 खालारखालि सानथामनि हाबाफारिजो ढेकियाजुलि बाथासिपुरनि मिलन गोजौ फरायसालिनि गेलोग्रा फोथाराव सनितपुर जिल्ला बर' थुनलाइ आफादनि 50 थि बोसोरसालिया जथुम्मा सनाथि मायथाइ हाबाफारिखौं खुंनो थाखाय लाहार-फाहार खालामनाय जादो। हाबाफारि बादिथै दिने फुनि 10 रिगायाव मावखुलि



बेखेवनाय जायो आरो 11.30 रिगायाव सनितपुर जिल्ला बर'

थुनलाइ आफादनि सनाथि मायथाइ फोर्बोखौं गाहाय हागाम खुंफुनो थाखाय गाहाय लाइखुन्थिया गायसनो सनितपुर जिल्ला आफादनि आफादगिरि अमन्त्रितमासि दैमारिया। लोगोसे फिफिला बिरहोयो लेइइ आफादगिरि बिनन्द बसुमतारिया। फुनि 12.30 रिगायाव 72 नं बरसला वियाबनि एम.एल.ए. गणेश कुमार लिम्बुया गाहाय मददगिरि महरै मुख्न् अन्थाय खाम्पा गायसनो ढेकियाजुलि बाथासिपुर आवथायाव थानाय मिलन गोजौ फरायसालिनि बिबार बागानाव। गणेश कुमार लिम्बुया बे हाबाफारियाव बाहागो लाना बुंथियोदि, बर' थुनलाइ आफादआव बर' माहारिनि मेलेम-जिबि एबा रंखा-राखा गोरों-गोराफोर बाहागो लानानै बर' थुनलाइ आफादखौं सामलायो थिक

गसाइगावआव मुलुग हिन्दु परिषदनि गायसन्थाय सानजो लोब्बा लाखिनानै जन्मस्टमी फोर्बो फालिदो



बड'सा, गसाइगाव, 30 आगस्ट: हादरनि दाब-दाब जायगाफोराव हिन्दु धोरामनि सुबुंफोरा दिनेनि बे गोथार जन्मस्टमी सानजो लोब्बा

लाखिनानै मुलुगनां हिन्दु परिषदनि जोनोम सान फालिनाय बायदिनो गसाइगाव सहरनि हिन्दु धोरामरि सुबुंफोरा गसाइगाव सहरनि नेताजी सुभास क्लब काम लाइब्रेरिआव दिने गाजा-गोमजायै फालियो। हाबाफारियाव मोनसे किर्तन दोलोआ किर्तन गायनानै फुजा

सानसेयारि **बड'सा** खरीरालाइयाव अग्राज्यादि जिउजो लोब्बा थावाय रायथाय, अन्ध्याय, सल, सल'बाथा आरु दावबायादि थावनि, पार्क बाइकि स्यायव लिरनाय लिरबिबां दैथाय ठर/ सानसेयारि **बड'सा** खरीरालाइया खेवरानाबे फोखावगोन।

बड'सायाव लिरठरनायनि दुबा खालाम, **बड'सा** खरी नोथां, जौ बयबो आंगो खालाम।

सानसेयारि बड'सा मावखुलि
माइवं नोगर, जोहोलाव दैमालु लामा
कक्राझार, बिदिमि-783370
Website: www.bodosanewspaper.com

सानसेयारि बड'सा



सानसेनि हाबाफारिजो कक्राझार दावबायफैदो आसामनि मन्थि विमल बराया

आसामनि फरायसा आफादफोरा सोलोँथाय मन्थिनो गोसोखांलाइ गथायदो

कक्राझार, 30 आगस्ट: आसामनि मोब्लिब, गेलेमु, हारिमु आरु टुरिजिम विफाननि मन्थि विमल बराया सानसेनि हाबाफारिजो दिने कक्राझार दावबायफैदो। गावनि कक्राझार दावबायफैनायनि हाबाफारि बादिथै मन्थि विमल बराया गिबियाव कक्राझार जिल्लानि मोनसे मुंदांखा समायना मिथिगायारि गावजो बुंफनबाय दावबायथिलि धीरबिलोनि सोरगिदिं थासारिखौ नायगिदिडो। बेनि उनाव चक्रचिला वाइल्ड लाइफ संकसुयेरि हाग्रा ओन्सोलखौबो नायगिदिंहेयो। बुब्लियावनो



मन्थि बराया खौरंगिरिफोरजो मोगा-मोगि जानाय समाव बिटिआरआव दावबायथिलि एबा टुरिजिम सेक्टरखौ फोजोखानायनि थाखाय राइज्यो सरकारआ नांगौ रोखोमनि राहा लागोन आरु बिटिआरनि

माखासे गोसो बोनो हाथाव दावबायथिलि फोरखौ फोजोखानायनि गेजेरजो गुबुन राइज्यो आरु हादरनिफ्रायबो दावबायारिफोरखौ गोसो बोनो हानायबादि दावबायथिलि खालामनो नाजागोन होन्नानै

बिटिआरनि बे मिथिगायारि सम्पदफोरखौ रेखाथियै लाखिनो थाखाय आवगायबोनो बिटिआरनि साप्रोमबो राइजो-राजाफोरखौ खावलायो। धीरबिलो आरु चक्रचिला हाग्रायाव दावबायहेखानायनि उनाव मन्थि बराया कक्राझारनि बड'फा नोगोरआव गोदानै लुफुनाय 33/11 केभि गोहोनि मोब्लिब रानसारथाय मिरुखौ बेखेवनानै होयो। बेनि उनाव बिटिसिनि सेक्रे टारिएट मावखुलिनि सावरय नब्लाडव बिटिसिनि टुरिजिम मोब्लिब, गेलेमु, आरु हारिमु बिफाननि मावफुं सोद्रोमाफोर आरु मावखु गिरिफोरजो बिफानारि खामानि मावनाय आयदाफोरनि सायाव गुवारे सावरयलायनाय जायो। धीरबिलो आरु चक्रचिला दावबायहेनाय समाव आसामनि मन्थि बरायो लोगोसे बिटिआरनि गाहाय मावफुं सोद्रोमा प्रमद बर', लेडइ बुंथिगिरि धर्म नारायन दास लोगोसे कक्राझारआव मोब्लिब रास्तरथाय मिरु बेखेवनाय समाव जायगानि एमएलए लरेंस इस्लारि, मावफुं सोद्रोमा अरुप कुमार देआबो बाहागो लाफदो।



स्टाफ रिपटर कक्राझार, 30 आगस्ट: आसामनि सोलोँथायारि जेना-जेसिखौ लानानै मोनसे गोसोखांलाइ गथायदो राइज्योनि माखासे फरायसा आफादफोरा। बे गोसोखांलाइखौ आसामनि फरायसा आफादफोर दुलायारि आसाम फरायसा आफाद, दुलायारि रभा फरायसा आफादखौ लाफानानै गासै मोन 35 सो फरायसा आफादफोरनि थादैफोरनि देदेनायाव गथायनाय जादो। मख'नो गोनांदि, फरायसा आफादफोरनि जुथाय हान्जाया मोनसे खौरं बिबुंसारनि गेजेरजो सोलोँथायारि जेना-जेसि आयदाफोरनि सायाव आसाम सरकारनि सोलोँथाय मन्थि रनुज पेगुजो सावरयलायदो होन्नानै सुलुडव मिथिनाय जादो। बिबुंसारआव फरायसा आफादफोरा बायदिसिना

खालामनाय, बेकलक सुफुनाय, मुं थिसन्याय राहा, फरायसालि एसेस्टमेन्ट कमिसन राहा लानाय, फरायसालिफोरनि आयदानि सोमोन्दै, गोजौसिन गेजेरारि थाखोसिम जौगाहोनाय, फरायसालिमा आरु मुलुग सोलोँसालि आयदानि सोमोन्दै, काकिरि सोलोँथाय आयदायाव, स्कील डेभेलपमेन्ट आयदायाव, आइन सोलोँथाय आयदायाव, सोलोँथाय फरसथान सरकारि खालामनायनि सोमोन्दै, फरा-फारि बिजाब, आन्जाद राहाखौ मोजां खालामनायनि सोमोन्दै, हाजोयारि जिल्ला, बराक सेरफां सोलोँथायारि सोमोन्दै, साहा बागान ओन्सोल आरु साहा हारिनि फरायसाफोरनि सोलोँथायारि जौगाहोनाय, मिरु सुबुं सिबिथाय आयग आन्जादनि सोमोन्दै आरु सोलोँथायनि बिजाब बाखि, केरियार काउन्सेलिं, गुबुन गुबुन काउन्सेलिंनि सोमोन्दोआव आसाम सरकारनि सोलोँथाय मन्थि निमिसि गोसोखांलाइ गथायनायखौ दुलायारि बर' फरायसा आफादनि आफादगिरि दिपेन बर'आ बिबुंसारआव फोरसायहदो।

आमादेर मनेर खथा आयदानि सायाव मेलेमजिबिफोर आरु साहा बागानिया हारिनि दैदेनगिरिफोरजो उदाइ: सावरयनाय हाबाफारिआव बाहागो लादो गिबि मन्थिआ

दिसपुर, 30 आगस्ट: आसामनि गिबि मन्थि उ हिमन्त बिश्व शर्माया दिने आमादेर मनेर खथा मुडै साहा बागानिया हारिनि मेलेम-जिबि सानसुमैफोर आरु गागि नोगोरारिफोरजो सावरयनाय हाबाफारिआव बाहागो लादो। गुवाहाटीनि आसाम एडमिनेस्ट्रेटिभ स्टफ कलेजआव खुंफुनाय दिनेनि बे सावरय मेलाव गिबि मन्थि शर्माया राइज्योनि साहा बागानिया हारिनि गासै बिथिडव जौगासायनायनि थाखाय मोनसे रडमेपनि थाखाथियारि खालामनो गावनि केबिनेट मन्थिफोरखौ खावलायो। दिनेनि बे सावरयलायनाय मेलेमि गेजेरजो साहा बागानिया हारिनि सुबुंफोरनि थाखाय समाजयारि, राजखान्थियारि जौगाखानाया, थानानै थानायनि उफ्रा राहा, गोगो सोलोँथाय, देहा फाहामथायनि राहा, हारिमु-राव रेखाथि थामोन्था आरु मोन्थायनि सायाव गिबि मन्थि शर्माया मेलेमजिबि आरु गागि नोगोरारिफोरजो गुवारे सावरयलायो। बे हाबाफारिआव गिबि मन्थि शर्माया बुडोदि, बिजेपि दैदेनाय राइज्यो सरकारआ थांनाय 5 बोसोरनि गेजेराव राइज्योनि टि-ट्राइब हारिनि जौगाखांहोनायनि थाखाय गोबां बिबांनि खामानि मावबोदो आरु थांखि लाबोदो। दासिमबो बे हारिखौ गोखौसिने जौगाखांहोनायनि थाखाय मावनांगो गोबांथार खामानिफोर दंबावो। बेनिखायनो फेगौ 6 दानफोरनि गेजेराव बे हारिनि गासै जेनाफोरखौ बोखानायनि गेजेरजो जौगाखांहोनायनि खामानि मावनो सरकारआ थांखि लादो होन्नानै फोरसायथियो गिबि मन्थि शर्माया। बेजो लोगोसेनो टि-ट्राइब हारिखौ फोजोखांहोनायनि सायाव खामानि मावनो, नायबिजिनो आरु बिथांखि लानायनि थाखाय मोन 7 दालाइ

हान्जा दानानै लानो थाखाय खावलायो। बे मोनफ्रोम दालाइ आफादआव सासेयै सरकारि मावखु गिरिखौ सोद्रोमा नेहाथारि महेरै थिसन्याय जागोन होन्नानै फोरसायथियो। दिनेनि बे हाबाफारिआव टि-ट्राइब हारिनि माखासे गेदेमाफोर, बारा' मिरु मन्थि पवन सिं घाटवार, आसाम आइन आफादनि बारा' बुंथिगिरि पृथिव माझी, उ भवेन तौती, उ ध्रुवज्यति कुरमि, उ कमल कतुमार तौती, दुलामी हेन्स, सुसिल चन्द्र कुरमिमोनजो लोगोसे गुबुन गोबां दैदेनगिरि सानसुमैफोरबो टि-ट्राइब हारिनि जेना-जेसिफोरखौ गिबि मन्थिनि सिगाडव बुंथिनाय होनायजो लोगोसे बेफोर जेनाफोरफोरखौ बोखानानै होनो थाखाय सरकारखौ खावलायो।

हान्जा दानानै लानो थाखाय खावलायो। बे मोनफ्रोम दालाइ आफादआव सासेयै सरकारि मावखु गिरिखौ सोद्रोमा नेहाथारि महेरै थिसन्याय जागोन होन्नानै फोरसायथियो। दिनेनि बे हाबाफारिआव टि-ट्राइब हारिनि माखासे गेदेमाफोर, बारा' मिरु मन्थि पवन सिं घाटवार, आसाम आइन आफादनि बारा' बुंथिगिरि पृथिव माझी, उ भवेन तौती, उ ध्रुवज्यति कुरमि, उ कमल कतुमार तौती, दुलामी हेन्स, सुसिल चन्द्र कुरमिमोनजो लोगोसे गुबुन गोबां दैदेनगिरि सानसुमैफोरबो टि-ट्राइब हारिनि जेना-जेसिफोरखौ गिबि मन्थिनि सिगाडव बुंथिनाय होनायजो लोगोसे बेफोर जेनाफोरफोरखौ बोखानानै होनो थाखाय सरकारखौ खावलायो।

चिरांनि सिसुबारिआव एन जि अ सुफल उद्दम ट्रास्टआ दै बानाजो भुगिनांनाय सुबुंफोरनो जाग्रा मुवा-बेसाद रादो



बासुगाव, 30 आगस्ट: चिरां जिल्लानि भारत-भुटान सिमानि माक्रा दैसानि दै बानाजो 2 नं सिसुबारि गामिनि गोबां नंखरफोरा नं-बा गै जायो जानानानै राहा बादयाव थानो

सोद्रोमाफोरनि मोनसे हान्जाया कक्राझारनिफ्राय दै बानाजो भुगिनांनाय सिसुबारि गामिनि राहा बादयाव दावबायहेनानै गासै गं 102 नखरफोरनि गेजेराव 3 कुइन्टल माइरं, 25 किल'ग्राम दालि, 50 लिटर जानाय थाव, 1 कुइन्टल संधि, 51 किल'ग्राम आलु, बिस्कुट पेकेट, साफोनजो लोगोसे गानग्रा-जोमग्रा जिफोरखौबो रानानै होयो होन्नानै एन जि अ सुफल उद्दम ट्रास्टनि आफादगिरि सुस्मिता सरकार आरु नेहाथारि बिजेस बर'आ मिथिहोयो।

चिरांङाव एसएसबिनि साइकेल रेलिखौ बरायदो



बासुगाव, 30 आगस्ट: हादरनि उदासि मोनायनि 75 थि बोसोर आबुं जानायखौ लोब्बा लानानै मिरु सरकारआ आजादो का अमृत महत्सव आयदाखौ लानानै लांश्रियै हाबाफारि लागामिनो दड। बेनिनो मोनसे बाहागो महेरै एसएसबिनि बान्जायनायाव हादरनि गुबुन गुबुन ओन्सोलनिफ्राय गोदान दिल्लीसिम साइकेल रेली लानाय जादो। बेखौ लोब्बा लानानै आसामनि तेजपुर आरु गुवाहाटीनिफ्राय साइकेल रेली लानाय हाबाफारिआ दिने चिरां जिल्लानि काजलगावआव थानाय 15 नं बेटेलियनि गाहाय मावखुलिआव सौफेबाय। बेटेलियनि फारि राइजो-राजाफोरनो फोरसायथिनो थाखाय साइकेल रेलीनि हाबाफारि लादो होन्नानै बिबुंथि होयो। मख'नो गोनांदि, हादरनि गुबुन गुबुन ओन्सोलनिफ्राय एसएसबिनि गासै सा 75 बेटेलियनफोर बे रेलिखौ लादो। लोगोसे 2 अक्टबरआव गासै साइकेल रेलि लाग्राफोर महात्मा गान्धीनि मोख'सालि राजघाटआव सौहेदो। जेराव राजघाटआव हादरनि नख'र मन्थि अमित शाहआ हान्जा सुरनाय सोद्रोमाफोरखौ गान्धी जयन्तीनि हाबाफारिआव बरायगोन होन्नानै मिथिनाय जादो। आसामनिफ्राय साइकेल रेली लानाय हाबाफारिआव गासै सा 75 बिबानगिरि आरु जवानफोरा बाहागो लादो। गुवाहाटी हान्जानि दैदेनायाव लोगो कमान्डर रहित शर्मा आरु तेसपुर हान्जानिफ्राय लोगो कमान्डर रजत पान्डेमोनहा बेबादि हाबाफारिआव बाहागो लानो मोनानै गोजोनाय फोरसायो। हान्जा मोननैया दिने हरआव काजलगावनो थानानै गाबोन फुडव दावबायफिनगोन होन्नानै फोरसायदो।

जायो। लोगोसे बे हाबाफारिनि बराय हाबाफारिआव 31 नं सिदली बिधान सभा बिथारिनि एमएलए जयन्त बसुमतारिआ गाहाय आलासि महेरै नुजाथिफेनानै सिमना रेखाथि होनायनि अनयायैबो एसएसबिआ गुबुन गुबुन सुबुं अन्सायारि खामानिआव गावसोरखौनो बाउसोमनानै हादरआव बिहोमा होबोदो होन्नानै बिबुंथि होयो। एसएसबिनि कमान्डि अफिसार दुर्गा बाहादुर सनारआ राइजो-राजाफोरनि गेजेराव देहा सांग्राथि सोरजिनाय, उदासिनि 75 बोसोर आबुं जानायाव गोसोखांथिखौ लाखिनो आरु हादर अन्सायनायनि फारि राइजो-राजाफोरनो फोरसायथिनो थाखाय साइकेल रेलीनि हाबाफारि लादो होन्नानै बिबुंथि होयो। मख'नो गोनांदि, हादरनि गुबुन गुबुन ओन्सोलनिफ्राय एसएसबिनि गासै सा 75 बेटेलियनफोर बे रेलिखौ लादो। लोगोसे 2 अक्टबरआव गासै साइकेल रेलि लाग्राफोर महात्मा गान्धीनि मोख'सालि राजघाटआव सौहेदो। जेराव राजघाटआव हादरनि नख'र मन्थि अमित शाहआ हान्जा सुरनाय सोद्रोमाफोरखौ गान्धी जयन्तीनि हाबाफारिआव बरायगोन होन्नानै मिथिनाय जादो। आसामनिफ्राय साइकेल रेली लानाय हाबाफारिआव गासै सा 75 बिबानगिरि आरु जवानफोरा बाहागो लादो। गुवाहाटी हान्जानि दैदेनायाव लोगो कमान्डर रहित शर्मा आरु तेसपुर हान्जानिफ्राय लोगो कमान्डर रजत पान्डेमोनहा बेबादि हाबाफारिआव बाहागो लानो मोनानै गोजोनाय फोरसायो। हान्जा मोननैया दिने हरआव काजलगावनो थानानै गाबोन फुडव दावबायफिनगोन होन्नानै फोरसायदो।

मुसलपुरआव सासे जिनाहारि खालामग्राखौ पुलिसआ हमदो

बाक्सा, 30 आगस्ट: बाक्सा जिल्लानि मुसलपुर थानानि सिडव थानाय पलाशगुर्दिनि सासे 9 बोसोर बेसोनि गथ'साखौ जिनाहारि खालामदो 1 नं भगपाय गामिनि मानिकनाथ (45) मुनि सासे जुनात आखुनि फोरंगिरिआ। मिथिनो मोननाय बादिल्ला, सुबुंथिनि आखु

हायाखेवनो। नाथाय दिने गथ'साया गावनो बिफानि मबाइल फनखौ लानानै गासै जाथायफोरखौ रेकड खालामदोमोन। बेनि उनाव गासै जाथायफोरखौ पुलिसनो फोरसायथिनायाव मुसलपुर पुलिसआ जुनात आखुनि मानिक नाथखौ हमो। जेराव नख'रनि

अगपनि बान्जायनायाव सुबुं फोनांजाब हाबाफारि लादो

बासुगाव, 30 आगस्ट: असम गण परिषद (अगप) नि 31 नं सिदली बिधान सभा बिथारिनि बान्जायनायाव दिने सुबुं फोनांजाब हाबाफारि लानाय जादो। बे हाबाफारिआव सिदली बिथारिनि एमएलए जयन्त बसुमतारि आरु असम गण परिषदनि खायसे दैदेनगिरिफोरा बिथारिनि खोला ओन्सोलनि बासुगाव, धलमारा, शराइकला, सालाकादि, खालिफुखि बायदि ओन्सोलफोराव दावबायनानै राइजो-राजाफोरनि जेनाफोरखौ मिबथिनानै लादो। लोगोसेनो बे नायगिदिहेनाय समाव एमएलएआ राइजो-राजाफोरनि जेनाफोरखौ फारियै सुफुंगोन होन्नानैबो बाध्रा होयो। नायगिदिहेनाय समाव अगप दोलोनि जानानै बुंथियोदि, राइजोफोरा गाव-गावसिनि बेसेन गोसा भटखौ होनानै सुबुं थादैखौ सायख'योब्लाबो बिसायख'थियाव देरहानायनि उनाव राइजोनि थादैखौ राइजो-राजाफोरा नागिरानै लोगो मोना। बेयावनो अगप दोलोआ सुबुं थादैखौ जगाजग खालामनायनि थाखाय दिनेनि सुबुं फोनांजाब हाबाफारिखौ लादो होन्नानै अगपनि सुलुड फोरसायथिदो। इयुन समाव जुथाय हान्जानि एमएलएफोरा गुबुन बिथावफोराव बेबादि हाबाफारि लानाय जागोन होन्नानै अगपआ फोरसायथिदो। दिनेनि हाबाफारिआव अगप दोलोनि दैदेनगिरि पबित्र कुमार राय, कर्ण महन राय, मिरु गौथुमारि नेहाथारि रहेम राय, चिरां जिल्ला आफादनि आफादगिरि सैलेन चौधुरी, नेहाथारि हेन्द्र दास, कक्राझार जिल्ला आफादनि आफादगिरि जाकोर हुसेइनमोनजो लोगोसे खायसे अगपनि दैदेनगिरि-मावफारियाफोरा दंफायोमोन।

बाक्सानि सुबनखाटायाव मैदेरनि उतखार

बाक्सा, 30 आगस्ट: बाक्सा जिल्लानि भारत-भुटान सिमानायाव मैदेरनि उतखार। गोबां माय आबादजो लोगोसे गय बिफा बायदिखौबो सिफायदो। जिल्लानि भारत-भुटान सिमना सेराव थानाय सिरिसबारि, दिघेलिपाम, उरांबस्थि बायदि गामियाव थानाय हरनि समाव भुटान हाजोनिफ्राय ओंखारबोनाय मा 50 निबो बांसिन मैदेरनि मोनसे गिदिर हान्जाया हाबानानै गोबां माय आबादजो लोगोसे गय बिफा बायदि सिफायनानै थेर-बेथेर खालामो। खौरां मोननाय बादिब्ला,



सिरिसबारि, दिघेलिपाम आरु उरांबस्थि गामिनि सुधन रामसियारो, कला बर', सुका उरां, मिसन बर', बिपिन बर' आरु अरगा स्वर्गियारोमोननि गायनाय मायखौ जासे जानानै गापलेलानायजो लोगोसे गोबां बिबांनि गय बिफा फोरखौ सिफायलाडो। बबेखानि

सुबनखाटा। गोजौ फरायसालिनि पाक्कानि इन्जुरखौबो मैदेरनि फालोआ सिफायनानै गालाडो। गामिनि सुबुंफोरा हरसे थालां मैदेरनि फालोखौ होनो गोनां जानायजो लोगोसे हरनि समाव फेफिनो हागो सानानै गामिनि सुबुंफोरनि गेजेराव गिखांनाय सोमजिदो।

आंनि जिउनि मिजिं

आंनि जिउनि दोसे खन्थाइ
आंनि गोसो गोबोनिफ्राय गबोनाय
आंनि बे खन्थाइ।
नोंखो नेनानै दं आं आदा
नाथाय मानो नुवा आं नोंखो
नायनो लुबैब्लाबो।
मोजां मोनो आं नोंखो
गोसो मोदोम जिउ होनानै
सानबाय थायो आं मिजिं
नोंजो आंजो लोगो हमनानै
सानैजो दैसा सेराव रायज्जायनो
नाथाय मानो फैया नों।
एसेबां गोदै राव राज्जायनानै सानब्लाबो
मानो फैया ?
दिनै फेगोन गाबोन फेगोन सानानै
नेगासिनो आं हामा सुरहाब सुरहाब।
गोसोनि सान्नायखो फोरमायनो हामा थाबाय।
आंनि गोसो गोरबोआ बायफले लांबाय
बेसेबा रुगुम गैथै लैथोआव
आंनि जिउनि मिजिं।
नेबाय थागोन आं र'जे
नोंनि डिड जावबोनायखो
आंनि जिउनि मिजिं।

श्रायना सलरा नाजरी।
बर' बाजार गोजो फराइसालि।
जिल्ला - चिरां

औवा राइदों थुरिजों

लुनाय बे न'आ जॉनि।
बेयाव थायो गोजोनै
जोबोद गंगोनि;
थाइजो खानथाल गइ बारि
बेनो बर'नि गामि।
मोजां मोनो गेलेनो
आमाइ-जुमाइ थाखोमानायाव;
बिब' फंबाय थायो बेयाव
अराइ खौसेथि।
बिबार बारि लारि लारि
गुफुर गोजा गोमो गाब-
बाइदि सारि सारि;
गोसोआव दड'मेथाय
नों खोनायोब्ला बिखा सुरलाइनाय।
मोजां मोनो गेलेनो
अखा नायब्लानो,
आमाय जुमाइ थाखोमानाय।

मुसि बिष्णु बसुमतारी।
बासुनगाव गोजो फराइसालि।
गामि + ला:सो: - दत्तपुर
जिल्ला - चिरां बि टि ए डि (आसाम)।
पिन - 783373।

आंनि सिनायथि

आं होनो सानदों आंनि सिनायथि
सानन्सियारी बड'सानि हेफाजाबे।
फरायो आं मोनफ्रोमबो सप्ताहनि
बर'नि आंगो बड'सा खौरां।
नड आं सोरबा द्रामाटिक,
महरगिरि, खन्थाइगिरि, सल'मागिरि
आं सासे बर' सेंग्रा फरायग्रा सोलोग्रा।
सा कक'राझार अलंबार हाइस्कुलनि
आदुवासिन फरायसा अलसियाबो।
जानाय लोनाय उन्दुनाय
बेनो जादों आंनि रुटिनि।
सेंग्रा-सिख्खानि लावनि सल' बिजाव
दैलि फरायनाया आंनि स्टदि।
आं सोबा बिरि सिगारेट,
आं जाया सादा गय फाथै,
आं लोड साहा नाथाय ...
आंजे जॉनि रोसिखोसो लोडे।
सावरि -बादलि, फुजा-फोबो,
हाबाथिलि, गोदान बेफोर आरो बैसागु
बेफोर आंनि बावनो हाथै दिनसै।
फेगो आनजातनि दानआ
जाथारनोसै जोबथा आनजादआ
जादोंबो जायाखेबो आं मिथिला
रिजाल्टआ हले जागोन फास-फास।
नाथाय फेगोन काल-मासि
रानखबबाय आंनि सेहेराया।
जानो हागो बांद्राइ देलायनायखाय
गोसोआव लानायखाय केमेरा
मेगनआव लानायखाय दुरबिन,
बेफोरनो जाथायसे ज'थायनानै,
खस्ट्यै होनाय गुबै सिनायथि।

मुसि एम. आनलाखि बहस।

फोलाजाय

जेब्ला आं नोंखो सान्दोंमोन
सिरिसे गुसु बारा बारफेदोंमोन
जेब्ला आं नोंखो नुयो आंनि सिमाडव,
आं उन्दुनायनिफ्राय सिखारनो लुबैयाखेमोन
जेब्ला आडे हारसिडे;
आं नोंखो मिथियो मोकथाडव आंगो आंनि।
जेब्ला नोडे आंगो आंखो,
आं गसिखोबो बावो।
नाथाय जेब्ला आं नोंखो दानो नागिरो
नों बारजों गोमोर लाडे।
यै आंनि मोजां मोन्याय
बबाव दड'नोडे ?
आं गिखादोंमोन
नों गोहो बोलो नागारनानै फे,
आं हारसिडे।
आं नोंनि गोनांधार फेलें जानाय आरो
थारैनो मोजां मोनो आं नोंखो।

मुसि अशक बसुमतारी
गामि - गफालगाव, ला:सो: - बनरगाव
जिल्ला :- कक्राझार

गोदान मुगानि सिख्ला

नाड-नाड आं,
दानि जुगनि सिख्लाफोरखो
दानो लुनो रोड गारा;
देलाइ मांग्रि नोंसोर
थगाइ सुलि ?
थाथिथि नों थिफुदलि
फोथाय जाला दानि सिख्लाफोरखो
हाइ ! हाइ ! मा ?
आजि खालिनि सिख्ला देलें
लाजिसो गारसै आं
सि-सि-सि...
गारि मटर साइकेल सालाइनाय
नुब्ला थाइ हाइ ! हाइ !
खारफासो गारसै,
मिथिया नोंसोर ?
दंनइ गैथै सिनायआ
मटर साइकेल सालाइग्राआल'
मानसिमोन, नामा ?
नोंसिनि मेगनाव
लाजिया नोंसोर ?
गन्थं गैया नोंझ
साइकेल सलायग्राया मानधि
नडमोन नामा.... ?

मुसि मामु मोसाहारी।
आप्लागाव
गामि - पदमाबिल।
ला:सो: - आप्लागाव। पिन - 783346।
जिल्ला - कक्राझार।

रमान्टिक लाभ

सानदोंमोन आं रमान्टिक लाभ
नाथाय जानांबाय अनजालि
फानदाय सुलिनि फान्दायनायाव आस'खान्दा
जिउनि गोथो लैथोआव गब'बाय।
सानसिफोरा गोजाव लांबाय
लैथोनि गोजो-गाहाय गुथालाव
हास्थायनायफोरा गोदोलांबाय
गोसोआव रिफिबाय र'जेनि हायना।
सहायनो हालिया बोदोर गोसोआ।
फागुननि सिउ सिउ बारआव गोजाव लांबाय
गावसाबाय बिखाया आसारनि सोगोमनायाव
देहायाव गैलिया थाजिम सान्नाय
जिउनि लोगीरि सिमांनि रानिआ
खालामलांबाय फोथायखेबस'
खामगिलबाय गोरबोआव जुजायनि अर
सानाखेमोन सनानि देरायाव नुस'हाथै बालाबारि
रमान्टिक लाभआव जानांबाय आं हालाय-हाफाय।

पुष्य बसुमतारी।
सालबारी गोजो फराइसालि।
ला:सो: - सालबारी पलासगुरी।
जिल्ला - बागसा

रंजालि गथ' फोरनि सौरा

आंनि जीउनि थांखि

आंनि थांखिया दिनै मोखथां,
आंनि मिजिड दिनै थार
गुवार फोथारनि अन्नायाव।
रंजानाया दिनै समायना महर लाबाय।
नाथाय आंनि जिउनि थांखिया जाफुदोंब्लाबो-
आंनि जिउ थरथिसेआ दिनै
जाबाय थोरलौ-थोफौ थि जायगा
दाबसेयाव गैया आलो जिरायनो।
जोनोमखौ जादोंमोन कक्राझाराव
नाथाय दा थांगोन आं
जायगा सिथाय गैथै गुबुन जायगायाव।
गोसोआव गोजोन्नाय गैया
थांखिया जाफुदोंब्लाबो माबोरै
गालांनो कक्राझारखौलाय।
थांखिआ आंनि हादोर रैखा खालामनाय,
जिउ दान होनानै आफा बुरा बाथोनि-
दहाय लानानै हादोर रैखा खालामनाय
मेगननि मोदैखौ बोहैग्लाब होनानै
नागारना थांनोसै आं कक्राझारखौ।
बाय-बाय कक्राझार आं थांनोसै।

अरगा बसुमतारी
ला:सो: - मागुरमारी
जिल्ला:- कक्राझार, बि.टि.सि. (आसाम)।

अबोला आं मा खालामनो!

नै बे गुवार संसारनि
थिं थिं मुदु हाउ हाउ बालाबारियाव
दै गांगोन आं थाबाइनो बायो।
दै गुदु हाउ हाउ बालाबारिखो
आं बारलानो गियो।
राबनिबो आगान आरो
लामा गैथै बे बालाबारियाव
आं बबेथिं थांनो !
बेवहाय फांसेबो बिफां गैया।
बेवहाय बार मोदायबो बारो।
जाउनाव हाद्रि बालाया बुखांजानां
मेगनाव हाबो आरो
मेगननिफ्राय मोदै ग'यो।
नाथाइ
मेगननि मोदै, हाद्रि बालाखौ
सोर हुगारनो आरो एरख'नो ?
गुबुनफारसे संसारनि
थिं थिं सान्दुआ दैदनलानानै
बेलासे बुब्लिया आंखो बरायहरनो खावलायो;
नोंनि न'आव थांनो।
लाजिगुसु मोखां सोमखेथै
अबोला आं मा खालामनो !

सबिन बिखारोजा मोसाहारी।
गामि - देवानपारा।
ला:सो: - बागरगाव।
जिल्ला - चिरां बि.टि.सि. (आसाम)।

हसियार

दैथुन गयारी।

हसियारलै बाहायफोर
रोदि जयै मेलेरिया बेरामा
जाखांफिनब्ला जाल्ला जालायगोन
ओरैनोबा-
जिमिलिनि आउवासआ
हामु फैसालिनि सोलेराव
आइखां-बाइखां खालामलांबाय,
हेडालिनि हगारनाय रोजा गुलियाव
दालाइ गोराननि हुदुआ
खारखाउ-खारसि जालांबाय
फागुनि जावलिना बारा
लाइमोननि गोबोआव
रमान्सनि अर सुखांलांबाय
दुबुथिया बर'सानि थिलियाव
जाखिसे एंसिड अखा हालांबाय
दा बै बुब्लिया आनत्रायथ'बाय

जिउनि दिड

गोसोआव दड'आंहा
अन्जिमा गैथै मिजिं,
बायहाजार गोसोनि हास्थायनाय
जिउनि दिड सुलायनाय।
सोमखे दाबखा बिदै जोमैनि सेरजो
मिनिखैरे मिनि हरो,
नुहां-नुवाहां मोब्लिबनि सोराड
स्रोब गोमोरफिनो जोमैनि सेराव।
दुंखावनाय गोसोजो
मंगिलनाय देहाजो,
बाज्रेत-बाश्रेत आगान सुरनानै
नायगिरो आं हालाय-हाफाय।
सिमन्ने-सिमन्ना बारहुंखाजो
खामगिलनाय अरगेंजो,
सोरबा खालामो गोसोनि बोलोखौ
थलथ'ब गोमलैयो समनि बैथाया।
जिरायना थाद'नि, हमथाना नेदोनि,
खेब-खेब रानखेबनाय थिफिलसे जिउ,
फानजारिआव जोबथेदिनि,
मैला गोसोखो सुझादिनि।

राजेश बसुमतारी
कारिगाँव

जिउनि फैमाल

सोरबाया रोंग'थि लानानै
सोरबाया रोडैखो लानानै
गोरान बरजो।
सारा मुलुगनि निहोरा रांनैयावबो
दुखु दाहानि बालाया रानखाव लांबाय।
गोजो जोमैनि हांखाय नायाव
खाफालनि रिफिनाया
बेनिफ्रायनो दिंग्रायनांबाय।
सिमांबायदि जाबाय बे जिउआ
गोरान बिलाय बायदि सिबथिं जाबाय
सोरनिबा खाफालाव देरहानायनि अखाफोर गावदां-दां
सोरनिबा खाफालाव जेन्नाय आरो रोडेनि लैथो हाब्रां
सोरंथो-हरथो गोदान नखोरंखो नागिरनानै,
गोदान जायखलनि सायायाव
गोजोन सुदेम बारजो।

फनि महन इश्लारि
जिल्ला:- कक्राझार, (बि.टि.सि.)

दायआ सोरनि

फागुन दाननि रानसाव गोरान लामानि
दावबायारि बबेबा थांखिनि
नाथाय सिनाया आं बैसिम सहैनायनि लामाखौ
मिथिगो बेखौल' अरायबो मोजां लामाजो थांनंगो।
लामानि दुबुद गोरान बारआ
बारलुंनानै हाद्रि सारलांबाय आंनि मेगनाव,
आं एसेबो नायनो हायाखिसै
खाथि खालानि जिरादखो नुनो मोनाखिसै।
आं जेब्ला आन्दायनानै थाबायबाय थायो,
सोरबा सिखरि मानसिया आंखौ बोलांफायो,
आंदि बेसेबां गोजोन्नाय मोनदों
बेजोनों सौहेफासिगोन सानानै
गोसोआव बायदि मिजिं लानानै।
रंजानायजो बेखौ सानफ्राडाखै मोनदि
आं माबायदि लामाजो थांदो।
गुमुरखौनो मोनाखेमोनदि
आं सौथु लांबाय थादों,
दसे उनाव जेब्ला दैमा बारनो हमो
अब्लासो आंनि गोसोआ गिखाडे
दैजो मोखां सुझायोब्ला
गिलु बालु हाग्रामा सिगांथिं नुहरो।
थाबैनो गिदिंफिनो आं सिगांथिं लामाथिं,
मोनहैफिनगोन आं गोजाम आगानखौ।
नाथाय बबेआव मोनबावगोन बारग' लानाय समखौ ?
बेनिथाखाय आं आंखौनो
माबोरैहाय दायनिगिरि खालामनो
आंनि मोजां गात्रिखौ बिजिरनो
गुबुनखौ आं मानो हांखायनो ?

गब्ला बसुमतारी।
कक्राझार।

हादतआव करनान थामथि दोहौनि सन्देहजों रइज्योफोरा करनानि प्रटकलखौ गोख्रोंसिन खालामदों

गोदान दिल्ली, 30 आगस्त: से खावसे बोसोर बारलानायनि उनावबो हादतआव करना भाइरासनि गोहोमा सोलिगासिनो अदेबानि हादतनि माखासे बाहागोफोराव मोजा फिथाय मोन्दों, नाथय केरेला आरो महाराष्ट्रजों लोगोसे माखासे रइज्योफोराव कभिड-19 नि थामथि दोहौनि सन्देहआ बांसिन जाबोदों। बेखौ नोजोर होनाने मिरु सरकार करनानि नेमखाथिखौ लानाने हादतनाडे गोदान गाडलाइनबो फोसावना होदों आरो बेयो 30 से प्तेम्बरसिम सोलिबाय थगोन। केरेलानि गिबि मन्थ्रि पिनाराइ बिजयनआ रइज्योनि करना इनफेक्सन बांनयखौ नोजोर होनाने शनिबारनिफ्राय नाइट कार्फिउ आरो सप्ताहयारि लकडाउन होनो फोसावदों। आथिखालाव केरेलायाव मोनानि 10 रिगानिफ्राय फुनि 6 रिगानिम गोख्रों होबथानाय सोलिगासिनो। गिबि मन्थ्रि बिजयनआ इनफेक्सननि केसफोरा बांनयनि जाहोनखौ अणम फोबोंखौ बुंथिदों आरो फेनो हागौनि सन्देह खालामनाय थामथि दोहौजों जुजिनो थाखाय रइज्योआ फुरा थियारि होनाबो बुडे। सोनाब बंगनि गिबि मन्थ्रि ममता बेनार्जियाबो करना



इनफेक्सननि केसआव बांनयखौ लानाने होबथानायफोरखौ 15 सेप्टेम्बरसिम बारायना होबाय, लोगोसे रइज्योआव मोनानि 11 रिगानिफ्राय फुनि 5 रिगानिम नाइट कार्फिउबो होदों। गवायावबो करना कार्फिउनि समय सिमाखौ बारायना 6 सेप्टेम्बरसिम खालामना होयो। गवायाव बांसिन हाबाफोरफोरखौ खुलिना होबाय नाथय केसिन'खौ खुलियाखे। हादतनि रइज्योफोरनि गेजेराव कभिड-19 गोसारजेनयानिफ्रायनो बयनिखुडुबो बांसिन गोहोम

गोख्रोंनाय रइज्यो महाराष्ट्रयाव फेनो हागौ। थामथि दोहौनि थाखाय थियारि खालामनाया सोलिगासिनो। बेखौ नोजोर होनाने देहा फाहामसालिफोरव गं 30,000 बेडफोरजों लोगोसे अक्सिजेननि आंखल जायैबादि अक्सिजेन रिफिलि प्लान्टबो थियारि खालामनाय जादों। उत्तरखान्डआव सोलिबाय थानाय कार्फिउआव आथिखालाव माखासे रेहाय होनायजों लोगोसे होबथानायनि समय सिमाखौ बारायनो हागौ। केबिनेट मन्थ्रि सुबध उदनयालनि मिथिहोनाय खौरनि बादिल्ला

बेनि सोमोन्दे गोखौ थाखोनि जथुमा खुंनाने थांखि लानो जथुमा लिनय जादों। उत्तर प्रदेश सरकारबो समबावय श्री कृष्ण जन्मप्टिमि फोबोंनि सायाव मोनानि कार्फिउखौ कभिड प्रटकलजों लोगोसे हरसेनि जर'खा रेहाय होदों। मिरु नख'रे मावख'आ शनिबारव हादतनि गासैबो रइज्यो आरो मिरुजों खुंनयानय रइज्योफोरनि थाखाय इनफेक्सनजों सोमोन्दो गोनां संग्रांथि फोसावना होयो, जेराव रइज्योफोरखौ खावलायदोंदि, जाहाथे फेनो गोनां फोबोंफोरव सुबुंफोरनि होगों-दोंगो जाया।

काश्मीरआव उतखारिफोरनि गोहोया जोब्बाय: राजनाथ सिं

गोदान दिल्ली, 30 आगस्त: रैखाथि मन्थ्रि राजनाथ सिंआ काश्मीरनिफ्राय उतखारिफोरा थाबेनो जोबसिगोन होना आसा खालामदों। दिल्लीयाव सोरगोयारि बलरामजी दास टान्डननो मान बावनाय माहारियारि रैखाथि आयदानि सायाव बाथा बुंनाने राजनाथ सिंआ बुडेदि, आद्रा थाबावनाय उतखारिफोराबो जोबनाने थांगोन। मानोना धार 370 आरो 35 एनि जाहोनाव अलगावबादिफोरा जाय गोहोखौ मोन्दोंमोन बियो जोबनाने थांबाय। रैखाथि मन्थ्रि आ पाकिस्ताननि सायाव नोजोर होनाने बुडेदि, पाकिस्ताननि हेफाजाबगिरि उतखारिफोरा



मडेल भारतआव जोबसांगिसिनो दड। बावयैसो बोसोरनि गेजेराव बिसोर सिमायाव सिजफायार सिफायनाने बारायहोदोंमोन। नाथय बिसोर रैखाथि हान्जाजों

जेब्लाबो फिन्नाय मोनबाय थायो। बेनिफ्राय पाकिस्तानआ बुजिनो हाबायदि, सिजफायारखौ सिफायनयजोंबो जेबो जर'खा मुलाम्फा मोननाय नड। बेगफरसे लाहाखआव

चीनजों लोगोसे दावराव-दावसि जानायनि सायावबो बिथाड बुंदों, गाहाय मन्थ्रिनि दैदेनयाव सरकार सान्थ्रिफोरनो रोखायै फोरमायोदि, एलएसियाव जायखि जाया नायबिजिनयखौ नोजोर होये जानो नाड। गलवानआव बे सानाव भारतआरि सान्थ्रिफोरा बेखौनो खालामो आरो बिसोर आबुडे जोहोलाव आखुजों चीननि सान्थ्रिफोरजों मोगा-मोगि खालामनाने बिसोरखौ फासयनो गोनां खालामो। गलवाननि बे जाथया बोसोरसे जाखांबाय नाथय भारतआरि सान्थ्रिफोरनि आखुआ इयुनि थाखाय गोग्गाथाव जानाने थाबाय।

निउजिलेन्डआव करना भेक्सिन थुनायजों सासे आइजोआ हार्ट एटेक जानाने थैदों

वेलिंटन, 30 आगस्त: निउजिलेन्डआव करना भेक्सिन फाइजार्जों गिबि थैनाय केस मोननाय जादों। बे बाथ्रानि खौरांखौ सावसि बिफानआ समबाखालि मोनसे उदांखि मोननाय कभिड-19 भेक्सिन रैखाथि नोजोर होग्रा बर्डनि गेजेरजों नाइबिजिनयानि उनाव होयो। आथिखालाव बिफाननि

बिबुंथियाव आइजोनि बैसोखौ फोरमायनाय जायाखे। निउजिलेन्ड सावसि बिफाननि बिबुंथियाव बुंनय बायदिब्ला, बर्डआ गनायोदि, बे आइजो थैनाया मायकार्डिटिस (बिखाजों सोमोन्दो गोनां जेना) नि जाहोनाव जादोंमोन, जायखौ कभिड-19 भेक्सिन फाइजार्नि गाहाय गोहोम गोनां महरे मिथिनो मोननाय जायो। मायकार्डिटिसनि जाहोनाव बिखानि मोदोमाव बुखानायनि जेना जायो आरो जाय बिखानि नेमखाथिफोरखौ गोहोम खोख्लैनो हागौ। सरासन्थायै

बेबायदि थासारियाव बिखाया थैखौ लानाय लाबोनाय खालामनायजेना जायो, जाय बिखा मावनाय नेमखाथिखौ बन्द खालामनायनि जाहोन जानो हागौ। बेनि जाहोनाव बिखानि मोदोमफोरा अक्सिजेनखौ सेबखाना लानायाव बांसिन खस्ट खालामनां जायो, जायनि जाहोनाव बिखानि मोदोमफोरव बुखानायनि जेना सोमजियो। मख'नो गोनांदि, निउजिलेन्डनि अकलेन्डआव करना भाइरसनि डेल्टा भेरिएन्टआ सिलिंखार खालामगासिनो दडआरो बेखौ नोजोर होनाने बेयाव सपानैनि सोलिगासिनो दड।

लकडाउन जाबसिन्ना होनाय जाबाय। वर्ल्ड मिटारनि अन्जिमाफोरनि बायदिब्ला, निउजिलेन्डआव कभिड-19 जों सा 3519 सुबुंफोरा इनफेक्सन जाखांबाय, जायफोरनि गेजेरावसा 26 सुबुंफोरा जिउ नागासनाय आरो सा 2890 सुबुंफोरा बे महामारिनिफ्राय गाहाम जाफिनबाय। आथिखालाव निउजिलेन्डआव करना भाइरसनि सा 603 एक्टिव केस दंबावयो, जायफोरनि फाहामथाय दासिमबो सोलिगासिनो दड।

1 सेप्टेम्बरनिफ्राय 9-12 थि क्लाससिमनि थाखाय स्कुलआ खुलिसिगोन

गोदान दिल्ली, 30 आगस्त: करना भाइरसनि जाहोनाव बन्द जानाने थानाय दिल्ली स्कुल कलेज आरो कचिं इन्स्टिट्यूटफोरा 1 सेप्टेम्बरनिफ्राय खुलिसिगोन। डिडिएमएआ बिथोन फोसावना 9-12 थि क्लासनि थाखाय स्कुल, कलेज, इडनिभासिदि आरो कचिं इन्स्टिट्यूटफोरखौ खुलिनी गनायथि होबाय। डिडिएमएआ स्कुल आरो कलेज खुलिनी थाखाय एसअपिबो फोसावबाय। सुलुडाव फोरमायनाय बायदिब्ला क्लासरुमनि जिरायनाय गोहोखौ बांसिन 50 जौखोन्दोसिम गथ'फोरा खेबसेयाव क्लास ज्वाइन



खालामनो हागोन। मोनफ्रोम क्लासआव सशेल डिस्टेन्सिनि थाखाय आलादा-आलादा समनि फर्मुलाखौ आजावना लानाय जागोन। मर्नि आरो इभिनि सिफटनि स्कुलफोरखौ

मोननै सिस्टनि गेजेराव खमैब्लाबो 1 घन्टानि गेप थागोन। बेनि गेजेरजों गथ'फोरखौ गावबा गाव जाग्रा बेसाद बिजाब आरो गुबुन

स्टेशनारिनि मुवा बेसादफोरखौ गावजों गाव रानलायैनि बोसोन होनाय जादों। लान्व ब्रेकखौ बबेबा अपेन एरियाआव आलादा आलादा समाव लाखिनो बोसोन होनाय जादों, जाहाथे मोनसे

समाव बांद्राय होंगो-दोंगो जाया। सिटिं एरेन्जमेन्टखौ ओरैबायदिथै खालामनाय जागोनदि, बेयाव मोनसे सिस्टखौ नागरानै जिरायनायनि बेबस्था थागोन। गथ'फोरखौ स्कुलाव हगार हरनो गोसो गैयाब्ला बेनि थाखाय बिसोरखौ नारसिनाय जानाय नड। जाय स्कुलफोरव भेक्सिन थुनाय आरो रेशान रान्नायनि खामानि सोलिगासिनो दड। बे जायगाखौ स्कुलाव एकाडेमिक एक्टिविटीनिफ्राय जानगार खालामनाय जागोन। बेनि थाखाय आलादा एन्ट्रि-एग्जिट पवेन्ट बानयनाय जागोन आरो सिंभिल डिफेन्स स्टाफखौ थिसन्नाय जागोन।

नाव आरो जाहाजनि सौग्रावनायाव सा 20 जिउ ख'हा, सा 50 गोमाना दं

गोदान दिल्ली, 30 आगस्त: पेरुनि लरेट'नि एमेजिनियान ओन्सोलाव हुआलागा दैमायाव गंसे मटर नाव आरो जाहाजनि गेजेराव सौग्रावनाय जाब्रथाय जायो, जेराव सा 20 नि जिउ ख'हा जानायनि खौरं मोननाय जादों आरो सा 50 नि बांसिन दावबायारिफोर गोमानाने दड। आरपिपि रेडिय स्टेसनआ बे खौरंखौ होदों। फासंथि सन्देह खालामनाय जादोंदि



थैनायफोरनि अन्जिमाया बांनो हागौ। खौरनि बादिल्ला, बे जाब्रथथाया रोजा खुवानि जाहोनाव गंसे मटर नावआ गंसे पेसेन्जार जाहाजजों सौग्रावहैनायाव जायो। बे समाव जाहाजआव सा 80 सो दावबायारिफोर दंमोन। बे जाब्रथथायाव रैखाथि मोननाय जाहाजनि दावबायारिया खौरंगिरिनो फोरमायोदि, नागिरनाय अभियान सौग्रावनायनि सिगां गाव गंसे

नावखौ गावसोर गाखोनाय जाहाजनि साखाथियाव फेनाय नुदोंमोन। बे सौग्रावनाय समाव माखासे दावबायारिफोरा उन्दुदोंमोन। नेभीनि सान्थ्रि हान्जाया बे जाब्रथथायाव जोखोम जानायफोरखौ फाहामथायनि थाखाय दैथायहरो आरो गोमाना थानाय सुबुंफोरखौ नागिरनाय अभियान सालायो।

थाद'नाय गैयै अखा हानायनि जाउनाव आसाम-तेलेंगाना रइज्योजों लोगोसे उत्तरखान्ड रइज्योनि दैमानि दैया उसिखलायदों

गोदान दिल्ली, 30 आगस्त: भारतनि गुबुन गुबुन रइज्यो आरो ओन्सोलफोराव थाद'नाय गैयाजासे अखा हानाया सोलिगासिनो दड। थाद'नाय गैया जासे अखा हानायाव इउपि-बिहार, आसाम आरो सोनाब बंगयाव दैमाफोरनि थाखोया बारायना फेबाय। ब्रह्मपुत्र दैमा आरो बेजों सोमोन्दो थानाय दैसाफोरनि दै थाखोया बारायना फैनयनि जाउनाव रइज्योनि तिनि सुकि या-डिब्रु गड जिल्लानि लाइका-दधियानि गामिफोरा दैबानाजों मोगा-मोगि जानांबाय। कामरुप जिल्लानि पानिखेति गामियाबो गोबां अखानि गोहोमाव दै बानाजों मोगा-मोगि जानांगासिनो दं। रिपर्टनि बायदिब्ला उत्तरखान्डनाव गोबां अखानि जाउनाव लोमसावनाय दैबानजों न' बायसिन्नायनि



जाउनाव माखासे जिब-जुनातजों लोगोसे सा 3 सुबुडा जिउ गोमाबाय। तेलेंगानि दाबनै गुबुन गुबुन जायगाफोरनि सुबुंफोरा दैबानाजों जुजिनांगिसिनो दं। रिपर्टनि बायदिब्ला थानाय माखासे समनि सिगां जानाय थादनाय गैयै अखा हानायनि जाउनाव सोमजिनय दैबानानि जाउनाव तेलेंगानानि बिकाराबाद आरो रंगा रेड्डी जिल्लायाव गुबुन

गुबुन मोननै जाब्रथथाय सासे हिन्जाव गोदानजों लोगोसे सा 5 सुबुडा दैयाव गबना जिउ गोमाबाय। बिसोरखौ संदान्नाय हाबाफारिया सोलिगासिनो दं। इउपिआवबो थादनाय गैयै रोजा अखा गोख्रोंनायनि जाउनाव अमराहा ओन्सोलनि सिडाव थानाय गामिफोरा दैबानानि जावनाव जिंगा सिनादों।

काबुलआव आमेरिकानि गाग्लोबनाय जाथायखौ तालिबानआ सोंखारिदों

काबुल, 30 आगस्त: आफगानिस्तानखौ दखल खालामना लानाय तालिबाननि बुंथिगिरि जबीहुल्ला मुजाहिदआ राजथावनि काबुलआव आमेरिकानि उरां जाहाजजों गाग्लोबनायखौ सोंखारिनाने बुडेदि, गुबुन हादतआव गावनि अखा आखुजों गाग्लोबनाया आयेन बेरेखा। बे गाग्लोबनायाव सा 7 जिउ ख'हा जानायनिबो बाथा बुदों जबीहुल्लाय। चीननि सिजिटिएन टिभिजों मोगा-मोगियाव मुहाजिदआ बुडेदि, जों बेबायदि गाग्लोबनायखौ सोंखारियो। मानोना गुबुन हादतआव गावनि अखा आखुजों गाग्लोबनाया आयेन बेरेखा। जुदि माबाफोर खैफोदनि इसारा मोन्दों मोनब्ला जोंनो बेनि खौरां होनांगौमोन, बेबादि अखायै



गाग्लोबनो गोनांथि गैयामोन, जायनि जाहोनाव गोबां नोगोरारिफोरा खैफोदआव गोख्लैलादों। आमेरिकाया उतखारिफोरनि बै गारिखौ सिलिंखार खालामनो थाखाय इनजों गाग्लोबदोंमोन, जाय गारियाव गोबां बिबांनि बेरफूग्रा मुवाफोर दंमोन आरो बेजों काबुल उरां गाथोनआबो खैफोद दंमोन होन्ना सन्देह खालामनाय

जादोंमोन। बे गाग्लोबनायाव सा 9 आफगाननि नोगोरारिफोरा जिउ गोमादोंमोन। जेराव माखासे उन्दे गथ'फोरखौ दंफायोमोन। बे जाथायनि सायाव आमेरिकानि सेन्ट्रल कामान्दारया बुदों बे गाग्लोबनायाव जिउ गोमानाय सरासन्था नोगोरारिफोरनि अन्जिमाखौ गावसोर संदान गासिनो।

कलकातायाव 800 कौटि बेसेनजों मुलुगनि देरसिन कृष्ण मन्दिर बानायगासिनो दड

कलकाता, 30: सोनाब बंगनि राजथावनि कलकातानिफ्राय 130 कि:मि: गोजानाव थानाय नदिया जिल्लानि मायापुरआव मुलुगनि बयनिखुइ देरसिन कृष्ण मन्दिर बानायगासिनो दड। 6 लाख रूकवायार फिटनिखुइबो बांसिन ओन्सोलाव थियारि खालामनाय। बे मन्दिराव 7 प्तर दड। पुजारी प्तरआ थानाय 2020 फेब्रुवारीयावने थियारि जाखांबाय। बेनि उनाव 2023 आव बे मन्दिरनि 80 जौखेन्दो खामानिया आबुं जागोन। बेनि उनाव बेखौ सिबियारिफोरनि थाखाय खुलिना होनाय जागोन। कन्स्ट्रक्सन वार्कनि जाहोनाव बे मन्दिराव दासिमबो रवबो थानो हाया। आथिखालाव ग्राउन्ड फ्लराव इन्टरियारनि खामानिया आबुं जाखांबाय। बे मन्दिरखौ सिनिफ्राय नायोब्ला बबेबा पेलेस बायदि नुनो मोनो। बे मन्दिरखौ इन्टरनेसनेल ससाइटि अप कृष्णा कन्सिश्युशनेस एवा इस्कनआ बानाय गासिनो दड। मन्दिरनि चैयारमेनआ आल्फेड फर्ड, जाय इउएसनि अटमबाइल कम्पानी फर्डनि गायसनगिरि। इस्कनआव जइन खालामनायनि उनाव बिनि मुडा आथिखालाव अंबरीश दास जायो।

अमिताभ बच्चननिफ्राय लानानै कंगना रतजॉलोगोसे माखासे स्टारफोर फेन्सफोरनो कृष्ण जन्माष्टमीनि गाहाम हामलायथि बाउहरदों

गोदान दिल्ली, 30 आगस्ट : हादतनाडै समबार (30 आगस्ट) आव कृष्ण जन्माष्टमीनि फोबोंखौ फालिदों। हिन्दु धोरमनिगोदो गोदायनि सलबाथायाव औरैबायदि मानिनाय जायोदि जन्माष्टमीनि सानआव भगवान कृष्णआ जोनोम जादोंमोन। बेनिखायनो बेयो भगवान कृष्णनि सिबियारिफोरनि थाखाय गोबां जरखा आरो मोजां सान जायो। बे सानआव भगवान बिष्णुनि 8 थि आखुआव भगवान कृष्णखौ फुजा खालामो। कृष्ण जन्माष्टमीनि बे जरखा खालामो




हादतनि माखासे गिदिर स्टारफोर गाव गावनि हास्थायगिरिफोरनो गाहाम हामलायथि बावहरदों बेवहाय सावथुन स्टारफोरगो

दंफादेरो। बलिउडनि माखासे स्टारफोर ससियेल मिडियानि गेजेरजों गाव गावनि फेन्स आरो हास्थायगिरिफोरजों कृष्ण जन्माष्टमीनि गाहाम हामलायथि बावहरदों। बलिउडनि मेगास्टार अमिताभ बच्चनआ गावनि माख'आरि

दुस्तर एकाउन्टआव फेन्सफोरनो कृष्ण जन्माष्टमीनि गाहाम हामलायथि बावनानै लिरदों, जन्माष्टमीनि गोबां गाहाम हामलायथि बावहरबाय। फावखुंगि कंगना रतजा गावनि कु एकाउन्टनि गेजेरजों फेन्सफोरनो कृष्ण जन्माष्टमीनि गाहाम हामलायथि बावदों। बियो गावनि सावगारिखौ सेयार खालामनानै पस्टआव लिरदों। जन्माष्टमीनि गाहाम हामलायथि बावहरबाय। बे बोसोराव आं श्रीनाथ जीनि दर्शन खालामनो खालामो मोन्दों। जय श्री कृष्ण। फावखुंगुर अर्जुन रामपालआ दुइतरनि गेजेरजों फेन्सफोरनो कृष्ण जन्माष्टमीनि गाहाय हामलायथि बावहरदों। बियो गावनि दुइतरआव लिरदों भगवान कृष्णआ

साफ्रोमनिबो जिं गा सिनायफोरखौ खावनानै लांथों आरो कृष्णा जन्माष्टमीनि बे गोथार फोबों आव साफ्रोमनोबो गोजोनय आरो खुसिखौ होयो। फावखुंगुर कुणाल कापुरआ गावनि मावख'आरि दुइतर एकाउन्टआव भगवान कृष्णनि भिडिय सेयार खालामनानै लिरदों साफ्रोमनोबो जन्माष्टमीनि गोबां गाहाम हामलायथि बावहरबाय। नोंथांमोननि जिउआव बे गोदान सानआ गोबां खुसिखौ लाबोथों। देखोगिरि अदनान सामी आरो फावखुंगुर सुजेन बर्नटआवो कु एकाउन्टनि गेजेरजों फेन्सफोरनो कृष्ण जन्माष्टमीनि गाहाम हामलायथि बावहरदों।

प्रभासआ जन्माष्टमिआव फेन्सफोरनो अनथोब होदों



मुम्बाइ, 30 आगस्ट: सुपारस्टार प्रभासनि सावथुनफोरखौ फेन्सफोर गोसो होसारनानै नेनानै थायो। हादतनाडै जन्माष्टमिनि फोरबोखौ फालिनाय बे खालामो प्रभासआ मोनसे जर'खा अनथोब होदों। बियो गावनि मुंदांखा सावथुन राधे श्याम'नि गोदान पस्टारखौ रिलीस खालामदों। बेवहाय प्रभासजों लोगोसे फावखुंगुर पुजा हेगडेखौ नुनो मोन्दों। बिसोर सानैनि गेजेरनि केमेस्ट्रीखौ फेनफोर गोबां मोजां मोन्दों। पस्टारखौ शेयार खालामनानै प्रभासआ केप्सनआव लिरदों नोंथांमोननि थाखाय फोसावनाय बे समायना पस्टारजों लोगोसे जन्माष्टमिखौ सेलिब्रेट खालामनो हागोन। नोंथांमोननि #RadheShyam। राधे श्यामआ 14 जानुवारी 2022 आव रिलिस जागोन। सावथुननि सलआ 1970 जौथायनि लाब स्टरीनि सायाव बिथा खालामनाय। बेनि शुटिआ इटली, जर्जिया आरो हाइड्राबादआव जादों। गिदिर बाजेरनि बे सावथुनखौ माखासे रवफोरव रिलिस खालामनाय जागोन। सावथुनआव प्रभास आरो पुजा हेगडेनि अनगायै भाग्यश्री, मुरली शर्मा, सचिन खेडेकर, प्रियदर्शी, साशा डेन्नी, कुणाल रय कापुर आरो सत्यमआ गाहाय फाव खालामगोन। सावथुनखौ राधा कृष्णा कुमारआ बिथोन होदों। बे सावथुनखौ क्रिएशन्स भुषण कुमार, वामसी आरो प्रमदआ प्रडिउडस खालामदों।

हानी सिंआ नेहा टनी कक्कड़जों लोगोसे गोदान देंखोखौ रिलिज खालामसिगोन

गोदान दिल्ली, 30 आगस्ट : हानी सिंआ थाबेनो गावनि गोदान एल्बाम कान्टा लागा 'जों लोगोसे फेफिनसिगोन। देंखोनि पस्टारआव बिखौ नेहा कक्कड़ आरो टनी कक्कड़जों लोगोसे दिन्थिनाय जादों। बियो पस्टारखौ गावनि ससियेल मिडिया एकाउन्टआ बे फोसावनायजों लोगोसे आपल खालामदोंदि देंखोनि टीजरखौ 2 सेप्टेम्बरआव रिलिज खालामनाय जागोन। पस्टारखौ सेयार खालामनानै बियो लिरदों बेयो आंनि फेनो गोनां देंखो कान्टालागानि फास्ट लुक रिपार आरो मिउजिकसियान हिदेश सिं एवा य'य' हानी सिंनि सायाव बिनि बिसि सालिनी तलबारआ दिल्लीनि तीस हाजारी कर्टआव गावनि 118 लेखा बिलाइनि केसआव हानी सिंनि सायाव गुबुन आइजोफोरजों लोगोसे जेंना गोनां सोमोन्दो लाखिनायनि




दाय जाबसिन्दों। बियो हानी सिं आरो बिनि नख'रनि सायाव जेंना गोनां महरे देहायारि आरो गोसोनि साननाय हनायाव दुखु होदों होन्ना दाय जाबसिन्दों। हानी सिंनि बिसिया गावनि अजद देखानायाव बेखौबो दाय जाबसिन्दोंनि जेव्ना बियो स्व' खालामनो थाखाय दावबायोमोन। अब्ला बियो

माखासे आइजोफोरजों लांथिये जेंना गोना महरे सोमोन्दो लाखियो आरो गावनि सोमोन्दोखौ बांहोनो थाखाय माब्लाबाबो सुबु'फोरनि सिगांडाव गावखो जुलि जाखानाय होन्ना फोरमायाखै। फासेंथि 28 आगस्टआव कर्टआ लांथिये नैथि खेब नुजाथियेनि जाहोनाव हानी सिंनो सायाव नायबजिरनानै मिथिनो मोन्नाय कर्टनाव नुजाथि हैथेनि रेहाय बिदों। रेपारनि उकिलआ बुंदोंदि गावनि क्लाइन्टनि देहाया गाहाम नड जायनि जाहोनाव बियो हेयारिनि समाव नुजाथिहैनो हानाय नड।

गाहाम देहानि राहा

मोनबा गोरलै राहाया उदैनि मेजेम आरो लिरथाइखौ खमाय होगोन

जुदि उदैनि मेजेम आरो लिरथाइखौ खमायनो लुबैदोंब्ला बै खौराड मदत खालामनो हागौ। हेल्थ एक्सपार्टफोरनि बुंनय बायदिब्ला जुदि सम थानायावनो गुफु देहाखौ खम खालामाब्ला जेंनाया बारायबावनो हागौ। मानोना लिरथाइखौ खम खालामनाया बबेबा सेलेन्सनि खम नड। माखासे सुबु'फोर बेनि थाखाय जिमआव खस्ट खालामहैनानै गोलोमदै गहोहैयो आरो माखासेआ थोंजोडे डाक्टरनि खाथियाव थाडो। बेनि थाखाय माखासे औरैबायदि आयुर्वेदिक टिप्स दड; जाय लिरथायखौ खम खालामनायाव मदत खालामगोन। मुंदांखा आयुर्वेदिक डाक्टर अबरार मुल्लानांनि बायदिब्ला, गुफु देहानि जाहोनाव बिखानि बेमार, हाइब्लाड प्रेसर, इउरिक् एसिडनि बारायनाय आरो डायबिटिस बाइदि गिथावना बेमारफोरनि खेफोदा बारायो। बेनिखायनो सम थानायावनो बारायनाय लिरथाइखौ खम खालामनाया गोनांथा।



खावसे जौखेन्दोखौ सोबख'ना लायो। बेबायदिया बेनिखायनो जायो। मानोना सानजौफुनि समाव दोगोन खालामनाय गोहोया गोखौंसि जायो। हरनि आदार जानाय समाव खम केलरि जानांगौ।

(2) उदैनि मेजेमखौ खम खालामनो थाखाय रिफाइन्ड थाव आरो कार्बहाइड्रेट जानायखौ खम खालामनागौ। बेनिखायनो गोदै ड्रिक्स, मिउइ, पास्ता, ब्रेड, बिस्कुट आरो थावजों बुंफबनाय जाग्रा आदारनिफ्राय जानगाराव थानांगौ।

(3) लिरथाइखौखमायनो थाखाय फुडाव सिखारनानै उदै खालियाव मिथिनि पाउडरखौ दैजों लोगोसे लोंनांगौ। बेजोंबो मुलाम्फा मोन्ना हागोन। बेनि अनगायैबो मिथिखौ हरसे सोमना दोनानै फुडाव उदै

खालियाव लोंनो हागोन। (4) लिरथाइखौ खमायनो थाखाय नोंथाड जाग्रा आदारव त्रिफलाखौ लाफानो हागोन। बियो देहानिफ्राय टक्सिसखौ फोजोबनायाव मदत खालामो आरो दोगोन तन्त्रखौ गोखौ खालामफिनो। बेनि थाखाय सामुसे त्रिफलाखौ हरनि जाग्रा आदार जानायनि उनाव दै गुदुजों लोगोसे लोंनांगौ।

(5) लिरथाइ खमायनायाव गुवामुरियाबो मुलाम्फा गोनां। बेनि थाखाय गुवामुरिनि पाउडरखौ आजावना लानो हागोन। मानोना बेवाव थर्मजेनिक एजेन्ट थायो, जायखौ मेजेमखौ रनहोनो थाखाय बाहायनाय जायो। दै गुदुजों गुवामुरिखौ लोंनायजों मेटाबलिज्मआ गोखौ जायो आरो उक्रा मेजेमा बार्न जायो।

ड्रग्स केसआव आरमान कहलीनि सायाव एनसिबिआ गोब्राब दाय जाबसिनदों

गोदान दिल्ली, 30 आगस्ट: फावखुंगुर आरमान कहलीखौ एनसिबिआ ड्रग्स दोन्नायनि दायआव रबिबारआव ग्रेप्टार खालामदों। आरमानखौ समबारआव कर्टनि सिगाडाव दिन्थिनाय जागोन। बे समाव एनसिबिआ कर्टनो फोरमायगोनदि फावखुंगुरनि न'निफ्राय ककेनखौ जब्द खालामदों लोगोसेनो नायबजिरनानै मिथिनो मोन्नाय जादों। बे केसआ इन्टरनेशनल कानेक्सन दड; मानोना जब्द खालामनाय ककेनआ खोला आमेरिका। हादतनि। आथिखालाव एनसिबिनि मुम्बाइ ब्रान्सआ जब्द खालामनाय ककेनखौ



मुम्बाइआव लाबोनो थाखाय लामाफोर, कानेक्सन्स आरो गुबुन सिखावजों सोमोन्दो थानायफोरखौ नायबजिरगसिनो दड। टीअआईनि रिपर्टनि बायदिब्ला एनसिबिनि जनाल डायरेक्टर समीरवानखेडेआ फोरमायदोंदि, जिम्मायाव लानायनि उनाव फावखुंगुर आरमान कहलीनि

सायाव गोबां गोब्राब दाय जाबसिनाय जादों। वानखेडेनाव सोंथि सोंनाय जादोंदि, आरमान आरो गुबुनखौ ग्रेप्टार खालामनायनि केसआव खोला आमेरिकायाव सोमोन्दो दड नामा? अब्ला वानखेडेआ फिन्नाय होदों। ड्रग्स कनज्युम खालामनायनि अनगायैबो आरमाननि हेंथायै माखासे गुबुन दाय जाबसिन्नाय जादों। एनसिबिआ फेग्रा नायबजिरगसिनो दड। टीअआईनि रिपर्टनि बायदिब्ला एनसिबिनि जनाल डायरेक्टर समीरवानखेडेआ फोरमायदोंदि, जिम्मायाव लानायनि उनाव फावखुंगुर आरमान कहलीनि

बिग बस अटीटीआव करण जौहरआ राकेश बापटनाव शमिता शेट्टीखौ लानानै सोंथि सोंदों

गोदान दिल्ली, 30 आगस्ट: बिग बस अटीटीनि रबिबारनि एपिसडआव करण जौहरखौ हस्टनि महशव नुनो मोन्दोंमोन। बियो शमिता शेट्टीखौ लानानै राकेश बापटनाव औरैबायदि सोंथि सोंदोंदि, जेराव शमिता शेट्टीआ लाजिदों। मख'नो गोनांदि, करण जौहरआ शमिता शेट्टीनि हटनेशखौ लानानै सोंथि सोंदोंमोन। जेव्ना राकेश बापटनाव बे सोंथिनि फिन्नायखौ होयो अब्ला शमिताया लाजियो आरो बुडे बेयो गोबां एम्बेरिसिं। रबिबारनि वार एपिसडआ रिलिस जाबाय। करणआ शमिता शेट्टीनि गेजेरजों राकेश बापटनाव किउट बुंनानै जंखायो। लोगोसेनो शमिता शेट्टीआ राकेश बापटनाव मुंदांखा देंखो शरारा-शरारनि स्टेपखौबो फोरोंदोंमोन। जायखौ करण जौहरआ बाख्नायदों। करणआ



राकेशनाव सोंथि सोंदोंदि, शमिताया शाररा नामा? बेनि सायाव राकेशआ नंगो होन्ना बुंदों। बियो बुंदों आं हमदाडोदि, बियो गोबां मोजां गोबां समायना साफ्रोमखौबो नोजेर लाखियो आरो मोजां आयजो। बियो सासे कम्पलीट

पेकेज। जेव्ना करण जौहरआ राकेशनाव सोंथि सोडोदि, शमिता शेट्टीआ हटनामा? बेनि सायाव बियो बुडे नंगो सार बियो गोबां हट। अब्ला शमिता शेट्टीआ लाजियो आरो बुडे बेयो गोबां एम्बेरिसिं। करण जौहरआ बुडेदि, बियो

राकेशखौ किउट बुंदों जेव्ना बियो गुफुर गावनि कुर्ता आरो पाइजामा गान्दोंमोन। लोगोसेनो बियो बिनियाव किसबो बिदोंमोन। बेनि सायाव शमिताया लाजिनानै बुडे आथिखालाव आं हाखर खुनानै बेवहाय हावना थानांसिगोन।

दीपिका पादुकणआ सावथुनआव द्रपदीनि फाव खालामगोन

गोदान दिल्ली, 30 आगस्ट: दीपिका पादुकणनाव माखासे सावथुनफोर दड। बियो बावैसो समाव शकुन बत्रानि सावथुननि शुटिखौ फुरा खालामबाय। आथिखालाव बिखौ शाहरुख खाननि सावथुन पठानआव नुनो मोनसिगोन। बे सावथुननि शुटिखौ दीपिकाया जागायबाय। लिरगिरि अनुजा चन्द्रमौलीआ फोरमायदोंदि, रानी जिन्दाननि बिजाबनि सायाव बिथा खालामनानै बानायनो गोनां सावथुनआव दीपिका पादुकणआ द्रपदीनि फाव खालामगोन। बे सावथुनआ बिजाब दा लास्ट क्वीन'नि सायाव बिथा खालामनाय जागोन। बानायगिरिया दासिमबो हीर'खौ नागिरिगसिनो दड।



जायखौ सावथुनआव रानी जिन्दाननि अपजितआव नुनो मोनगोन। बेनि अनगायै गुबुन खौरफोरखौ आथिखालआव फोरमायनाय जायाखै। बेनि सोमोन्दे फोरमायनानै अनुजा चन्द्रमौलीआ बुंदों आं बेखौ

लानानै गोबां थुलुंगाखदों। आं बे बाभ्राखौ लानानै खुसि जादों मानोना बिजाबनि राइटसखौ फाननो हादों। जों बिजाबजों सोमोन्दो गोनां सल'खौ फोरमायदोंमोन आरो बिजोंमोजं मोन्दोंमोन। बियो बुंवावदों आं

गोबां गोजोन्नाय मोन्दों। आथिखालआव आं बुंनो हास्थायोदि माखासे फावगिरिफोरजों बाथ्रा सावगयनाया सोलिगसिनो दड। बिथोनगिरिया जायखौनो लागोन बिनि थाखाय आं गोजोनगोन। आं हास्थायबावोदि, बे समायना सल'खौ मोजाडै फाव खालामथों। महारानी जिन्दानआ जेंनो गोबां बाभ्राफोरखौ फोरोंदों। दीपिका पादुकणआ सावथुन फावखुंगुरि। बियो माखासे सावथुनफोरराव फाव खालामदों। बिनि सावथुनफोरखौ गोबां मोजां मोननाय जायो। बियो सावथुन छपाकखौ बानायदोंमोन।

आमेरिकानि दावहारु उरां जाहाजजों गाग्लोबनायाव जिउ ख 'हा जानायखौ नायबिजिगोन

गोदान दिल्ली, 30 आगस्ट : आमेरिकानि रेखाथि मावख'आ काबुलआव उरां जाहाजजों गाग्लोबनायाव सरासन्सा नोगोरारिफोरनि जिउ गोमानाय खौरांखौ नायबिजिगोन खोथा होदों। तालिबानाबो गावनि थाखोआव नायबिजिगोन। आमेरिका सान्थिनि सेन्ट्रल कामान्धारनि बुंथिगिरि विल अर्बनआ बुंदोंदि, सरासन्सा नोगोरारिनि जिउ गोमानाय खौरांखौ मोनानैदुखु मोन्दों। मोनसे फिन्नाय फोसावनानै अर्बनआ बुंदोंदि, काबुलआ गंसे गारियाव गाग्लोबनाय समाव सरासन्सा नोगोरारिफोरनि जिउ गोमानाय खौरांखौ मिथिनो मोन्दों। जों मिथिगौदि गारिखौ सिलिखार खालामनाय गोखों बेरफुदोंमोन, जायजों हमदानो हायोदि गारियाव गोबां बिबानि बेरफुदा मुवाफोर दंमोन। बेजों आरोबाव गोबां सुबुंफोरनि जिउ गोमादों जानो हागौ। थारैरो बेबादि जादोंबला बेनि फासें गोथौ दुखु मोननाय थाबाय। मख'जाथावदि, काबुलनि साखाथियाव गंसे गारियाव आमेरिकाया रके टजों गाग्लोबदोंमोन। बुनाय जादोंदि,



बे गारियाव सासे सुइसाइड बमा लानानै दंमोन, जाय काबुलआव गाग्लोबनो थांखिये थांगसिनो दंमोन। बेनि सिगां इस्लामिक स्टेट खरसानआ काबुलआव मोनसे सुइसाइड बमाजों गाग्लोबनानै सा 100 नि बांसिन सुबुंफोरखौ जिउ ख'हा खालामदोंमोन। खौरांनि बादिब्ला बे जाथायाव नख'रसेनिनो सा 9 सुबुंफोरनि जिउ गोमादोंमोन, जेयव सा 6 आ उन्दै गथ'फोरमोन होनानैबो खौरां मोननाय जादों। काबुल उरां गाथोननि साखाथियाव आमेरिकानि दावहारु उरां जाहाजजों गाग्लोबनायाव सा 3 उन्दै फोरनि जिउ गोमादों होनानैबो मिथिनाय जादों।

फासैथि तालिबानआ बुंदोंदि, गावसोखो बे गाग्लोबनायखौ नायबिजिगोन आगे जाय गारियाव गाग्लोबदोंमोन बेयाव थारैरो सुइसाइड बमा लानानै दावबायदोंमोन नामा बेखौबो संदानाय जागोन। आमेरिकानि गुबुन हादतयारि मावख'आ मोनसे फिन्नायाव फोरमायदोंदि, कानाडा, फ्रान्स, जामानी, इटाली, जापान, इउनाइटेड किंगडम, तुर्की, कतार, इर'पीयान संघ आरो नाट'नि थान्दैफोर मिसन काबुल गुबुन हादतयारि मन्थिफोरनि जथुमायाव बाहागो लागोन। आमेरिका गुबुन हादतयारि मावख'आ बुंदोंदि, बिसोर

थान्दैफोर फेगौ गोनॉ सानफोरव आफगानिस्ताननि सायाव मोनसे हे फाजाब होज्जानाय सायोलोयारि खान्थि आजावनायनि सायाव सावरायज्जलायगोन। जथुमानि उनाव आमेरिकानि गुबुन हादतयारि मन्थि एन्नी क्लिकेनआबो सोमोन्दो लागोन, जेयव बियो आफगानिस्तानआव सोलिबाय थानाय नेमखान्थि आरो थासारिफोरनि खौरां होगोन। आफगानिस्तानाव खुंथाय थानाय सरकार थारैनि जाहोनाव सुबुंफोरनि जिउ खुंथाय जेना गोनॉ जादों, जायनि जाहोनाव उखैहाबनाय आरो रांखान्थि खौफेद नुजाथिगोनखौ हमदानाय जादों। जिउ, खुंथाय सरासन्सा मुवा-बेसादफोरनि बेसेना गोबां बादों आरो सुबुंफोरनाव धोन आरो मुवा-बेसादफोरा जोबलानो हमदों। हादतआव थाव, आटा, मायरं बायदि गाहाय आदारफोरनि बेसेना गोबां बांबाय। हादतनि धोन बाखिया लोरबां जाबोदों आरो पाकिस्तानाव रांखान्थि सोलायग्राया आफगाननि रांखान्थिखौ लानो नेवसिगारदों। आफगानिस्ताननि

बिबानगिरिफोरा बंकफोरखौ फिन खुलिनो बिथोन होदोंमोन। बंकफोरा रां बखनायनि सिमाया 20 रोजा आफगानि रां (17 रोजा रां) खालामना होयो। बंकफोरव सुबुंफोरखौ गोलाव गोलाव सारियाव गसनाय नुनो मोन्दों। तालिबाननि बुंथिगिरि जबीउल्लाह मुजाहिदआ बुंदोंदि, माखासे साननि गेजेरावरो केबिनेटखौ फोसावनाय जागोन आरो गोदान खुंथाय फेनायजों लोगोसे बेफोर जेनाफोरा जोबलांगोन। तालिबाना इउएनआरो सोनाबारि हादतफोरखौ आफगानिस्ताननि सोमोन्दो लाखिलांबाय थानो खावलायदों। ब्रिटेइनि बुंदोंदि, बेबायदिया जानो हागौ जेब्ला तालिबाना सुबुंमोन्थायखौ सम्मान होयो आरो हादतनिप्रय बायजोआव थानो गोसो जानाय सुबुंफोरखौ रेखाथिये थानो होयो।

काबुल एयारपर्टआव गं 5 रकेट गावहरनायखौ फेलें खालामनाय जादों : आमेरिका

वासिंटन, 30 आगस्ट : आमेरिकाआ काबुल एयारपर्टनि थिंजाय गावहरनाय गं 5 रकेटखौ फेलें खालामदों। एयारपर्ट फासें फेबाय थानाय बे रकेटफोरखौ आमेरिकी डिफेन्स मिसाइल सिस्टेमआ गिबिआवनो इन्टारसेप्ट खालामनानै सिलिखार खालामदोंमोन। इन्टारसेप्टनि ऑथिया जादों गावनि फासें फेबाय थानाय रकेट आरो गुन्नासाखौ संदानै फिन जाथाय होनाय एवा गावखुबनाय। आमेरिकानि माहारियारि रेखाथि बोसोनगिरि जैक सुलिबाननि बादिब्ला बेनि खौरांखौ हादतगिरि ज' हवाइट हाउसआ मोनसे बिबुंथि फोसावना बुंदोंदि, एयारपर्टखौ सामलायनायआ गोखोडे सोलिगासिनो दं। काबुलआव सासे नुगिरिआ बुंदों खन्थाम बमा बेरफुनायनि सोदोबखौ



खोनानो मोन्दोंमोन। बेनि उनाव फायारिबो जादों। मख'नो गोनॉदि, आमेरिकाआ काबुलआव इन्जों गाग्लोबदोंमोन। बेवहाय सुसाइड गाग्लोबग्राखौ थांखिनाय जादोंमोन, जायनि थांखिनायआ काबुल एयारपर्टमोन। आमेरिकाआ बुंदों काबुल एयारपर्टआव इस्लामिक स्टेटनि उतखारिआ फिन गाग्लोबनो हागौ। बिनि

थांखिनायआ आमेरिका सान्थिनि सायाव दं, जाय दासिमबो काबुलआवनो दं। आमेरिका सान्थिआ 31 आगस्टनि सिगां गावनि सान्थिखौ बेवहायनिफ्राय दिहुनो नाजादों। आमेरिकाया बुंदों, गावसोरनि नोगोरारिफोरा काबुलाव थानायसिम गावसोरनि सान्थिखौ बेवहायनायनि बोखारनाय नडा।

बेन्जामिन नेतन्याहु थांनाय लोगो-लोगो इज्राइलनि नेमखान्थिया सोलायबाय



गोदान दिल्ली, 30 आगस्ट: इज्राइलनि रेखाथि मन्थि बेनी गेटजआ थांनाय रबिबारखालि हरव फिलिस्ताइननि हादतगिरि महमद अब्बासजों लोगो हमा। मोननै हान्जानि गेजेराव बोसोर-बोसोरनि उनाव जानाय बेयो गिबि गोजौ थाखोनि स। व। य। न। य। म। न। बिबानगिरिफोरा बेनि खौरां होयो। इज्राइलनि आगुनि गाहाय

मन्थि बेन्जामिन नेतान्याहुनि खुंथायाव माखासे बोसोरनि गेजेराव अब्बास आरो इज्राइलनि दैदेनगिरिफोरनि गेजेराव सोमोन्दो लानायनाया आबुडे बन्द जाबायमोन। बेबायदियाव गेटज आरो अब्बासनि गेजेराव सावरायलायनायखौ महर सोलायनायनि इसरा महरै नुनो मोननाय जादों। बेराफारसे नेतन्याहुखौ फिलिस्ताइननि

गोखों नेमखान्थिनि सायाव सोलिग्रा दैदेनगिरि महरै नोजोर होनाय जायो। बियो आमेरिकानि आगुनि हादतगिरि डनाल्ड ट्रम्पनि मदत मोन्दोंमोन। ट्रम्पआ इज्राइलाव आमेरिकानि थान्दै मावख'खौ तेल अबिबनिफ्राय जरुशालेमआव सोलायनाय बायदि इज्राइलनि मदतगिरि नेमखान्थिफोरखौ गनायथि होदोंमोन। बे बोसोरफोरव अब्बासआ आमेरिका आरो इज्राइलजों सावरायनायखौ बन्द खालामदोंमोन। 'द हारैटज' सानसे यारि खौरांलाइनि खौरांखौ बुनाय बायदिब्ला बे जथुमाया इज्राइलनि बेंखनाव थानाय वेस्ट बेंकनि रामल्लायव जायो, जेराव

अब्बास खुंथाइनि मावख' दड। गेटजनि मावख'नि मोनसे फिन होनायाव बुनाय बायदिब्ला इज्राइलआ फिलिस्ताइननि रांखान्थि बेबस्थाखौ गोखों खालामनो थाखाय थांखि लागोन। मानोना वेस्ट बेंकआव अब्बासनि खुंथायारि ओन्सोलफोरनि रांखान्थि बेबस्थाया इज्राइलनि सायाव सोनारो। इज्राइलआ रेखाथिनि जाहोनफोरखौ फोरमायनानै माखासे होबथानानै लाखिदों जायजों फिलिस्ताइन ओन्सोलनि रांखान्थि बेबस्थाया गात्रियै सोलिगासिनो दड। अब्बासनि खाथि सोमोन्दो थानाय हेफाजाबगिरि हुसेन शेखआ टिटटरनि गेजेराजों बे जथुमानि खौरां होयो।


गोदान दिल्ली, 30 आगस्ट : तालिबाननि सोलौंथाय मन्थिया बुंदों आफगान आइजोफोरा इउनिभासिटीआव सोलौंथाय लानो गनायथि मोनगोन। नाथाय तालिबान खुंथायआव हौवा-हिन्जाव लोगोसे यै सोलौंथाय लानो मोननाय नडा। आगुआव जेब्ला तालिबानआ खुंथायआव फेदोंमोन अब्ला बियो आइजोफोरनि सोलौंथाय लानायखौ होबथादोंमोन। 1996-2001 सिम तालिबान आ आफगानिस्तानआव खुंथाय खुदोंमोन। नाथाय 9/11 उतखारि गाग्लोबनायनि उनाव आमेरिकाआ आफगानिस्ताननि सायाव गाग्लोबदों आरो तालिबानखौ खुंथायनिफ्राय बायजोआव दोन्दों। आफगानिस्ताननि सुबुंफोरा शरिया आयेन बादिदें सोलौंथायखौ लानांगोन। हौवा आरो हिन्जावफोरा आलादा आलादा थाखो खथायाव सोलौंथाय लानांगोन। तालिबानआ मोनसे मोजां आरो



इस्लामी आयदाखौ बानायनो गोसो जादों, जाय जॉनि

इस्लामी, माहारियारि आरो थारिभिनखौ बिथा खालामनायनि सायाव जायो आरो बेरा फासैथिजाय गुबुन हादतफोरजों लोगोसे बादायलायनो हायो। तालिबानआ आइजोफोरनि मोन्थायआव जौगाखानायखौ सम्मान होनोबो खोथा होदों।

मालयेसियानि गोदानै थिसनजानाय गाहाय मन्थि इस्माइल साबरी याकुबआ क्वारेन्टाइनाव दं



कुवालालपुर, 30 आगस्ट : मालयेसियानि गोदानै थिसनजानाय गाहाय मन्थि इस्माइल साबरी याकुबआ करना इनफेक्सन सन्देर जानाय सुबुंनि सोमोन्दोआव फेनायनि उनाव क्वारेन्टाइन थयो। अदेबानि मावख'निफ्राय मिथि होनायाव रोखायै फोरमायाखैदि गाहाय मन्थिआसानबेसे क्वारेन्टाइनाव थगोन। बे रिपटआव बेखौबो रोखा खालामखैदि गाहाय मन्थिया करना पजिटिभ जादों ना जायाखै। इस्समाइल साबरीया सोलिफु आगस्ट दानावसो गाहाय मन्थिनि समायखिरा लार्दोंमोन। गाहाय मन्थि याकुबआ गाहाय मन्थि बिबानाव फेनायजों लोगोसे गोबाव समसिम खुंथायाव थानाय इउएनएम राजखान्थि



हान्जाया फिन खुंथायाव फेफिनबाय। बे राजखान्थि हान्जाया कौटि कौटि रॉनि गेनाखान्थिनि जाहोनाव 2018 आव खुंथायखौ खोमानांदोंमोन। बे हान्जाया 1957 आव ब्रिटेइनिप्रय उदासि मोनयनि उननिफ्रायनो 2018 माइथायाव खुंथायाव दंमोन। मख'नो गोनॉदि, इस्माइलखौ बिजाथि फसनायखौ अजद होगो

मालयेसियानि सुबुंफोर मोनसे अनलाइन आरजलाइ जागायदोंमोन। बेयाव दासिमाव सा 3,40,000 नि बांसिन मुंसाय होखांबाय। माखासे सुबुंफोरनि बादिब्ला इस्माइलखौ थिसन्या सिगांनि जेना गोनॉ थासारिखौ लाखिलांबाय थालानाय जागोन आरो हादतआव जायखि जाया रोखोमनि सोलायनायनि गुना थानाय नडा।

आफगानिस्तानाव ब्रिटेइनि 20 बोसोरनि सान्थि अभियाना अपारेसन पिटिंआ थुंगेबाय

लन्डन, 30 आगस्ट : ब्रिटेइनि सान्थि या आफगानिस्तानाव गावसोरनि अभियानखौ फुरा खालामनानै हादतआव गिर्दिलांफिनबाय। 20 बोसोरसिम आफगानिस्तानाव थानायनि उनाव आद्रा थानाय सान्थिफोरबो गसिबो हादतआ थांफिनजोबबाय। रयेल एयार फर्सनि बे जोबथा उरां जाहाजआव ब्रिटेइनि थान्दै सार लारी ब्रिस्टआबो दावबायदोंमोन। रबिबाराव ब्रिटेइनि गाहाय मन्थि बरिस जनसनआ मोनसे बिडिअखौ दुइटराव सेयार खालामनानै आफगानि मिसनआ थुंगेनायनि खौरांखौ होयो। भाइस एडमिरल सार बेनआ सुबुंफोरखौ



आफगानिस्ताननिफ्राय दिहुन्ना लानाय अपारेसन पिटिं अभियाननि गाहाय दैदेनगिरिमोन। बियो बुंदोंदि, जों बेफोरखौ गसिबो मावजोबोने हायाखै जायखौ थांखि लार्दोंमोन। गाहाय मन्थि बरिस

जनसनआ टुइटराव मोनसे बिडिय सेयार खालामनानै बुडोदि, अपारेसन पिटिंआ थुंगेबाय। आफगानिस्तानाव ब्रिटिस सान्थिफोर आरो बिबानगिरिफोरा दुखु नांथाव थासारियावबो 24 घन्टा खामानि

मावदों। हा सा बाहागोनि सान्थि हान्जानो लिहरनाय लाइजामाव गाहाय मन्थि जनसनआ गनायथिदोंदि, आफगानिस्तानखौ रेखाथि होनायाव मुख्लं जानाय सा 457 जवानफोरनि लोगो आरो नख'रनि आंगोफोरनि थाखाय आफगानिस्तानखौ तालिबाननि आखायाव थांनाय नुनाय जोबोत दुखु मोननाय सम जादों जानांगौ। बियो बुंबावोदि, ब्रिटेइनि सान्थिफोरा आफगानिस्तानाव थांनायजों अल कायदाआ नैजि बोसोरसिम बिसिनि हादतनिफ्राय गोजानाव थारों आरो बेनि फिथायावनोजों बयबो रेखाथियै दड। आमेरिका इउ'प आरो मुलुगनाडेनि जॉनि हेफाजाबगिरिफोरजों लोगोसे

तालिबानजों बे बाश्राखौ बिथा खालामनानै सावरायनाय नडादि बिसोरो मा बुडे, बिसोरो मा मावो बेनि सायावसो सावरायगोन। डाउनिं स्ट्रीटआ बुंदोंदि, आफगानिस्ताननिफ्राय दिहुन्ना लाबोनाय सुबुंफोरनि सा 2,200 आनो उन्दै गथ'फोर ब्रिटेइनि सा 5,000 नोगोरारिफोरा आरो बिसोरनि नख'रफोरखौ उरां जाहाजजों आफगानिस्ताननिफ्राय लांनाय जादों। बेजों लोगोसे ब्रिटेइनि आगुनि मावसुमाफोर, बिसोरनि नख'र आरो ओरोबादि सुबुंफोरखौ दिहुन्ना लांनाय जादों जायफोर तालिबानजों खैफेद दंमोन। बिसोर बादि सुबुंफोरनि अन्जिमाया सा 8,000नि बांसिन जागोन।

तालिबानआ न'सुंसे हादतजों मोजां सोमोन्दो लुबैयो

गोदान दिल्ली, 30 आगस्ट: आफगानिस्तानआव तालिबाननि खुंथाया गोसारनायजों लोगोसे खनले खनले बुंनाय जादोंदि, पाकिस्तानआ तालिबानजों गोरोबलायनानै भारतनि हेंथायै नाइबिजिगोनो हागौ। नाथाय आथिखालाव तालिबानआ गावसोरनो रोखा खालामना होयोदि, बिसोरहा बेजों जेबो सोमोन्दो गैया। बबेखानि बिसोर नसुंसे हादतफोरजों सोमोन्दोखौ मोजां खालामनो लुबैयो। तालिबाननि गागि दैदेनगिरि शेरा महम्मद अब्बास स्टनिकजाइआ भारत आरो पाकिस्तानखौ बुडोदि, आफगानिस्तानखौ गावसोरनि दरनै हादतनि गेजेराव फारवैथिनि लाबोनो नाडा। सिएनएन-निउज 18 जों लोगोसे मोनसे जर'खा मोगा-मोगियाव बियो बुंदोंमोनदि, तालिबानआ भारतनि हेंथायै पाकिस्तानजों लोगोसे गोरोबलायनानै खामानि मावनो हागौ होनाया थारैरो गोरोन्थि।

मख'नो गोनॉदि, बेनि सिगांबो तालिबानआ पाकिस्ताननि इमरान खानखौ गोमो होखांबाय। मानोना पाकिस्तानआ तहरीक ए तालिबाननि जेनाखौ सुखानायाव तालिबानखौ मदत खालामजानो लुबैयो। नाथाय काबुलखौ दखल खालामग्रा तालिबाना बेबायदि खालामनायखौ नेवसिगारो। बेनि सोमोन्दै तालिबानआ पाकिस्तानखौ बुडोदि, तहरीक ए तालिबान पाकिस्तानआ पाकिस्ताननि जेना। बेनिखानयो पाकिस्तानआ गावसोरनि जेनाखौ गावसोरनो बोखानांगोन। बिसोर सोरनिबा थाखाय आफगाननि हा सा बाहागोखौ बाहायनाय नडा। बे समाव मुजाहिदआ बबेबा हादतनि गोजोनखौ सिलिखार खालामनो थाखाय गावसोरनि हा बाहागोखौ बाहायनाय नडा बुडे।

मालयेसियानि सुबुंफोर मोनसे अनलाइन आरजलाइ जागायदोंमोन। बेयाव दासिमाव सा 3,40,000 नि बांसिन मुंसाय होखांबाय। माखासे सुबुंफोरनि बादिब्ला इस्माइलखौ थिसन्या सिगांनि जेना गोनॉ थासारिखौ लाखिलांबाय थालानाय जागोन आरो हादतआव जायखि जाया रोखोमनि सोलायनायनि गुना थानाय नडा।

आइपिएल 2021 नि सिगां आरसिबिआ गोमोनांदों

गोदान दिल्ली, 30 आगस्ट: इन्डिया प्रिमियर लीगनि 14 थि सिजेननि नैथि बादायलायनाया 19 सेप्टेम्बरनिफ्राय इउएइआव जागायजेनगोन। नाथाय बेनि सिगां भिराट कहलिनि केप्टेन सामलायनाय टीम रयेल चेलेन्जर्स बेंगलूर (आरसिबि) आ 'गोमोनांदों' आरसिबिनि अलराउन्डर वासिंटन सुन्दरआ जोखोम जानायनि जाहोनाव दुर्नामेन्टनिफ्राय बायजोआव थानांदों। आथिखालाव आरसिबिआ बिनि रिसेसमेन्टनि बाथ्राखौ फोसावदों। वासिंटन सुन्दरनि आसिआ जोखोम जानायनि जाहोनाव आइपिएल



2021 आब गेलेनो हानाय नड। आरसिबिआ सुन्दरनि जायगाआव गावनि टीमि गोखौ बल खुबैगिरि आरो सोनाब बंगनि आकाश दीपखौ सायखदों। अलराउन्डर वासिंटन सुन्दरखौ आरसिबिनि थाखाय

जागायजेननायिन अबार दिहुनायनि थाखाय मोनथिनो मोनाय जायो आरो गोबां खम रनखौ बाहायनो। आइपिएल 2021 नि जाय मेचखौ भारतआव गेलेनाय जादोंमोन, बे फोरनि गेजेराव मोन 6

बादायलायनायनि खाबुखौ सुन्दर मोन्दोंमोन। बे खावसे दर्जन मेचफोरनि मोनब्रै बादायलायनायाव बियो बेटि खालामदों आरो 31 रान बानायनायै मोनथाम उइकेट लादों। आकाश दीपनाव 9 गिबि थाखो, 11 लिस्ट आरो 15 टी-20 मेच गेलेनायनि मोन्दांथि दं। बियो गोलाव सम गेलेनायाव 35 उइकेट, वान्डे मेच गेलेनायाव 17 उइकेट आरो टी-20 मेच गेलेनायाव 21 उइकेट लानो हादों। बियो आइपिएलआव डेब्यु खालामनो हागौ। मानोना बिखौ गोखै बल खुबैनायनि थाखाय मोनथिनो मोनाय जायो।

यगेश काथुनियाआ टकिय पेरालिम्पिकआव ब्रन्ज मेडेल देरहादों

टकिय, 30 आगस्ट: भारतनि यगेश काथुनियाआ बेवहाय फोसावनाय टकिय पेरालिम्पिकआ मोजाडै दिन्थिफुनायै हौवा डिस्कास थ्र एफ 56 थाखोआव सिल्भार मेडेल देरहादों। यगेशआ फाइनालआव 44.38 मिटारनि थ्र खालामनानै नैथि थाखोआव जायगा आवग्रिनो हादों। ब्राजिलनि सान्तस डए क्लाउडिने बतिस्ताआ 45.49 मिटारनि थ्र खालामनानै गोदान पेरालिम्पिकरेकर्डबानायदों आरो सनानि मेडेल देरहादों। भारतनि थाखाय समबारनि सानआ गोबां मोजां जादों आरो मेडेल देरहानायनि आसा खालामनाय



जादों। किउबानि लियनार्ड एलान्डाना डियाजआ 43.36 मिटारनि थ्रजों लोगोसे ब्रन्ज मेडेल देरहादों। यगेशआ मोनसे समाव सनानि मेडेल देरहानायनि

बादायलायनाय दंमोन। नाथाय बतिस्ताआ गावनि गिबि थ्रआव 44.57 नि थ्र खालामदों। बतिस्ताआ गावनि 8 थि नाजानायआव पेरालिम्पिक

मेचनि रेकर्डखौसेट खालामदों। यगेशआ सिल्भार मेडेल देरहानायजों लोगोसेनो भारतआ टकिय पेरालिम्पिकआव मोन 5 मेडेल देरहादों। भारतआ दासिमाव बे पेरालिम्पिकआव मोनसे सना, मोनथाम सिल्भार आरो मोनसे ब्रन्ज मेडेल देरहानो हादों। भारतआ कमनवेल्थ मेच साननि खाबुआव मोनै सिल्भार आरो मोनसे ब्रन्ज मेडेल देरहादोंमोन, जेराव थानाय समबागव भारतीय गेलेगिरिफोरा सना, सिल्भार आरो ब्रन्ज मेडेलबो देरहादों। 10 मिटार एयार राइफल्सआव अबानि लेखराआ गल्ड मेडेलखौ गावनि मुं खालामदों।

टकिय पेरालिम्पिक: सुटार अबनि लेखारआ गल्ड मेडेल देरहाबाय



गोदान दिल्ली, 30 आगस्ट: टकिय पेरालिम्पिकआव भारतीय सुटार अबनि लेखारआ मोजाडै गेलेना दिन्थिफुनायजों 249.6 पइन्टजों गिबियै हादरनि थाखाय गल्ड मेडेलखौ गावनि मुं खालामबाय। जागायजेननाय मेचनिफ्रायनो अबनिआ गावनि रोगथि आरो आदबजों पइन्टआव आवगायनो हायो आरो जोबनायसिमाव गावनि बेरेखा बादायारनि सायाव गावनि गोहोखौ दिन्थिफुनो हायो।

अबनीया भारतीय टीमनिफ्राय सोलिफु टकियआव जानाय पेरालिम्पिकआव मोजाडै गेलेना दिन्थिफुनायजों दं। बिथानि सिगां रबिबारखालि टेबोल टेनिसआव भाबिना पाटेल आरो हाइजाम्पआव निषाद कुमारा सिलभार मेडेलखौ गावसोरनि मुं खालामदोंमोन। अबनिआ 7 थि थाखोआव फैनो हानायजों फाइनालनि थाखाय क्वालिफाइ जानो हादोंमोन। अबनिआ फाइनालाव 249.6 पइन्टजों

वर्ल्ड रिकर्ड आव समान-समान थाखोयाव फैनो आरो गिबि थाखोयाव जायगा आवग्रिनो। बिथाड चीननि झां कुइपिं (248.9 पइन्ट)खौ उन खालामनो हादों। उक्रेनि इरियाना सेतनिकआ 227.5 पइन्टनि मदतजों ब्रन्ज मेडेलखौ गावनि मुं खालामनो हादों। टकिय पेरालिम्पिकनि सुटि मेचआव गिबि मेडेल देरहानो हानायजों लोगोसे अबनि लेखारआ गिबि गल्ड मेडेल देरहानो हानाय गेलेगिरिनि रेकर्ड लाखिबाय। थानाय रबिबारखालि आयजो टेबोल टेनिस गेलेगिरि भाबिनाबेन पाटेल आरो हाइजाम्प गेलेगिरि निषाद कुमारा भारतनि जाना सिलभार मेडेलखौ गावसोरनि मुं लाखिबाय। बिनद कुमारनि डिस्कास ट्रनि एफ 52 इबेन्टआव ब्रन्ज मेडेल देरहानायखौ बिनि क्वालिफिकेसननि सायाव हेंथा बिग्रायखांनयनि जाउनाव दोन्थनाय जाबाय।

गोदान दिल्ली, 30 आगस्ट: टकिय पेरालिम्पिकआव भारतनि गेलेगिरिफोरा माखासे मेडेलफोरखौ देरहानो हादों। अबनि लेमाराआ गल्ड मेडेल आरो यगेशआ सिल्भार मेडेल देरहानायनि उनाव पेरालिम्पिक गल्ड मेडलिस्ट देबेन्द्र झाइरियाव सिल्भार आरो लोगो गेलेगिरि सुन्दर सिं गुर्जरआ ब्रन्स मेडेल देरहादों। भारतआ पेरालिम्पिकआव दासिमाव मोनसे गल्ड, मोनै सिल्भार आरो मोनसे ब्रन्ज मेडेल देरहादों। देबेन्द्र झाइरियाआ 64.35 मिटारनि थ्रखौ खुबैहरनानै सिल्भार मेडेल आरो सुन्दर सिंआ 64.01 मिटारनि थ्र खुबैहोनायै ब्रन्ज मेडेल देरहादों। श्रीलंकानि गेलगिरि हेराथआ 67.79 मिटारनि थ्र खुबैहरनानै गोदान वर्ल्ड रेकर्ड बानायदों आरो गल्ड मेडेल देरहानो हादों। बेनि सिगां सुटिआव अबनि लेखारआ हादतनो गिबि गल्ड मेडेलखौ मोनहोदों। 8 बोसोर



बैसोआव पेरालाइसिस जानाय यगेशआ गावनि 6 थि आरो

जोबथा नाजानायआव 44.38 मिटारनि डिस्कास थ्रखौ

खुबैहरनानै नैथि थाखोनि जायगाखौ आवग्रिनो हादों।

ब्राजिलनि बतिस्ता डस सुतसआ 45.54 मिटारआव गल्ड जेराव किउबानि लियनार्ड डियाज अलडानाआ 43.36 मिटारव ब्रन्ज मेडेल देरहादों। वर्ल्ड पेर एथलेटिक्स सेमियनसिपनि सिल्भार मेडेल देरहागिरि यगेशआ टकियआव गावनि बादाय लायनायखौ जागायजेनदों। बिनि गिबि, थामथि आरो ब्रैथि नाजानायआ फेलें जादों जेराव नैथि आरो 5 थि नाजानायआव बियो 42.84 आरो 43.55 मिटारनि डिस्कास थ्रखौ खुबैहरदोंमोन।

इउएस अपेननि गासै मेचआव देरहानानै नबाक जकबिकआ मुलुगनि साबसिन टेनिस गेलेगिरि जानो नाजागोन

निउयर्क, 30 आगस्ट: सोलिफु बोसोरनि जोबथा ग्रेन्डस्लेम इउएस अपेनआ दिनैनिफ्राय जागायबाय। मुलुगनि सेथि रेंकिनि टेनिस गेलेगिरि नबाक जकबिकआबो 21 थि ग्रेन्डस्लेम बिमुनि थाखाय बेयाव बाहागो लागोन। बेयाव 7 खेब देरहायोब्ला थामहिनबा इउएस अपेननि गासै राउन्डखौ देरहानो हायोब्ला बिथानि आखायाव 21 थि ग्रेन्डस्लेम बिमुआ फे गो नबाक जकबिक, राजर फेडरर आरो राफेल नाडाल 21 थि ग्रेन्डस्लेमनि बिमुंखौ गावसोरनि मुं खालामनो नाजागोन। सोलिफु बोसोरनि थानाय मोनथाम ग्रेन्डस्लेम (अस्ट्रेलियान अपेन, फ्रेंस अपेन आरो इउम्बलडन)आव गावनि मुं लाखिनयनि उनाव आथिखालाव जकबिकआ इउएस अपेनाव गोरलैयैनो बिमुं देरहानो हागोनखौ नुहरदों मानोना बे दुर्नामेन्टआव



टेनिसनि सानै गोखौ गेलेगेरि फारियै राजर फेडरर आरो राफेल नाडालआ जोखोम जानायनि थाखाय गेलेनाय नड। इउएस अपेननि आगुनि चेम्पियन डिमिनिक टिएमआबो कर्टनिफ्राय जानगार जाबाय। 34 बोसोरनि जकबिकआ सोलिफु बोसोरनि ग्रेनस्लेम देरहानायनि बादायनायाव दासिमाव मोनसेबो मेचाव जेननाखौ अस्ट्रेलियान अपेननि फाइनालाव डेनिल मेदबेदेब, फ्रेंस अपेननि

फाइनालाव स्टिफान्स सिनसियास आरो उइम्बलडननि फाइनालाव इटालिनि मेटिय बेरेतनिखौ फे जेन्नाय जकबिकआ सोलिफु समाव जानाय इउएस अपेनावबो गावनि गोहोखौ दिन्थिफुनो कर्टआव ओंखारगोन। जकबिकआ सोलिफु बोसोरनि मोनसेबो ग्रेन्डस्लेम मेचाव जेना फे याखैब्लाबो नाथाय जार्मानिनि एलेक्जेन्डर जेरेबनि हेंथायाव टकिय अलिम्पिकनि

सेमिफाइनालाव जेन्नायजों मोगो-मोगि जायो। सिगांनि सेटआव उन जाना फेदोंब्लाबो फिन गोहोयाव फेफिन्यायजों जेरेबआ जकबिकखौ 1-6, 6-3, 6-1 स्करनि फारागआव फे जेन्नो हादोंमोन।

लन्डन, 30 आगस्ट: भारतनि हेंथायै लिडर्सआव जानाय थामथि टेस्ट मेचाव इलेन्डनि टीमा देरहासरनायखौ मोन्दों। थामथि टेस्ट मेचाव देरहानानै सिरिजनि मेचाव समान-समान खालामनो हानायजों लोगोसे ब्रैथि बादायलायनायाव गेलोनो गोनां गेलेगिरिफोरनि थाखाय मोनसे मोजां खौराड सोराडव फेदों। इलेन्डनि कच क्रिस सिलबार बुडआ फास्ट बलार मार्क बुड आरो क्रिस वक्सखौ ब्रैथि बादायलायनायाव प्लेइं- XI नि बाहागो जासिगोन होना रोखा खालामबाय। फास्ट बलार मार्क बुड आरो अलराउन्डर क्रिस बक्सखौ आबुडै फिटनेस मोन्नो हानायनि उनाव




रबिबारखालि भारतनि हेंथायै ब्रैथि टेस्ट मेचनि थाखाय टीमाव लाफाबाय। जस बलार गावनि नैथि गथ' जोनोम जानायाव बिसिजों थाफाहैनयनि थाखाय बे मेचाव बाहागो लानाय नड।

कचआ बिसोर सानै गेलेगिरिफोरखौ गेलेनायाव मोजाडै फेफिननो हाबाय होना फोरमायो। सिगां फास्से बिथाड बुंभावदोंदि, बुडआ टीमनि सायखनायाव थाफागोन आरो

बक्सआबो नैथि सायखनायाव टीमाव थाफागोन। लाडर्सआव जानाय नैथि टेस्ट मेचनि समाव फिलिडं खालामनाय बुडआ आगदा फाफ्लियाव जखम जाना जादोंमोन आरो बक्सआबो जुलाइआव पाकिस्ताननि हेंथायै जानाय वान्डे सिरिजनि बादायनायाव आफा थालायाव जखम जानायनि थाखाय हारिमायारि क्रिकेटनिफ्राय जानगार जानांदोंमोन। बक्सआ शुक्र बारखालि नखरारि बादायलायनायाव गेलेदोंमोन। बेन स्टक्स आरो जफ्रा आचर बायदि गोखौ गेलेगिरिफोर थानाय टीमआव बक्सखौ लाफानायाव टीमनि थाखाय मोजां जागोन।

बिएसएनएलआ बोसोरनाडै सोलिग्र प्लानखौ लन्च खालामदों

गोदान दिल्ली, 30 आगस्ट: भदापन (Vodafone) आइडिया (Idea) आरो इयारटेल (Airtel) नि प्लानफोरखौ फेलें खालामनो थाखाय सरकार टेलिकम कम्पानि बिएसएनएल (BSNL) आ बोसोरनाडै सोलिग्र मोनसे प्लानखौ लन्च खालामदों। बिएसएनएलनि बे प्लाननि बेसेनखौ कम्पानिआ गासै 1498 रां खालामदों। बे बोसोरनाडै सोलिग्रो गोनां गोदान प्रिपेड डेटानि प्लानआ



बाहायगिरिफोरनो बोसोरनाडै इन्टरनेट आरो आनलिमिटेड कलनि पेशकार सिबिथाय होगोन। गासिबो सार्किल्सआव बे प्लानखौ 23 आगस्तनिफ्राय मोन्नो हाबाय।

प्लानआ बै सुबुंफोरनि थाखाय साबसिन जादों। जायफोरा नआवनो हाबाफारि मावो। बिएसएनएलनि बे प्लानजों बाहायगिरिफोरनो सानफ्रोमबो 2GB डेटाखौ होनाय

जागोन। हाइ स्पीड डेटा लिमिटेडआ जोबनायनि उनाव स्पीडआ 40Kbps सिम खम जालाडो। बे थांखिआ 365 सानसिम सोलियो। लोगोसेनो बे थांखिजों आनलिमिटेड कलनि सुबिदा मोनगोन। भदापन आइडियानि 1499 रांनि प्रिपेड प्लानआव 24GB डेटा होनाय जायो। बे प्लानआ 365 सानसिम सोलियो। बे प्लानआव आनलिमिटेड भइस कलि होनाय जायो। बेनि अनगायै प्लानआव गासै 3600SMS होनाय जायो। बेजों लोगोसे बे प्लानआव Airtel Xstream premium, Free Helotunes, Wink Music आरो online Classes बायदि मुलाम्फाखौ मोनो।

इयारटेलनि 1498 रांनि प्रिपेड प्लाननि सोमोन्दै बाथ्रा सावरायोब्ला बे थांखिजों लोगोसे 24 GB डेटाखौ होनाय जायो। बे प्लानआ 365 सानसिम सोलियो। बे प्लानआव आनलिमिटेड बइस कलि होनाय जायो। बेनि अनगायै बे प्लानआव गासै 3600SMS होनाय जायो। बेजों लोगोसे बे प्लानआव Airtel Xstream premium, Free Helotunes, Wink Music आरो online Classes बायदि मुलाम्फाखौ मोनो।